



說郭目錄

第四十四

燕翼貽謀錄

晉陽王栾

玉堂逢辰錄

錢惟演

宜春傳信錄

羅誘

洛陽縉紳舊聞記

張齊賢

小說舊聞記

柳公權

兩朝獻替記

李德裕

建中河朔記

李公佐

上海圖書館藏

淮海亂離記

蕭世怡 闕

廣陵妖亂志

鄭廷誨

順昌破敵錄

劉琦 闕

巴酉航海記

李正民 闕

天祚承歸記

蕭叔和 闕

燕翼貽謀錄卷一

宋 晉陽王栾

進士特奏

唐末進士不第如王仙芝輩唱亂而敬翔李振之徒皆進士之不得志者也蓋四海九州之廣而歲上第者僅一二十人苟非才學超出倫輩必自絕意于功名之塗無復顧藉故聖朝廣開科舉之門俾人人皆有覬覦之心不忍自棄于盜賊奸宄開寶二年三月壬寅朔詔禮部進貢士十五舉以上曾經終場者具

燕翼貽謀錄卷一

名以聞庚戌詔曰貢士司馬浦等一百六人困頓風塵潦倒場屋學固不講業亦難專非有特恩終成遐棄宜各賜本科出身此特奏所由始也自是士之潦倒不第者皆覬覦一官老死不止至景德二年三月丁巳因賜李迪等進士第賜特奏名五舉以上本科六十四人三傳十八人同學究二十二三人三禮四十四人年老授將作監主簿三十一人此特奏之名所由立也至景祐元年正月癸未詔進士諸科十取其二進士二經殿試諸科五經殿試或進士五舉年五十諸科六舉年六十雖不合格特奏名此特奏名所以漸多也至太中祥符八年二月丙子則命進士六舉諸科九舉特奏名並赴殿試則又以人多而裁抑之也況進士入官十倍舊數多至二十倍而特奏之多自是亦如之英雄豪傑皆汨沒消磨其中而不自覺故亂不起于中國而起于夷狄豈非得御天下之要術歟蘇子云縱百萬虎狼于山林而飢渴之不知其將噬人藝祖皇帝深知此理者也豈漢唐所可仰望哉

御試不稱門生

自唐以來進士皆爲知舉門生恩出私自不復知有人主開寶六年下第一人徐士廉擿登聞鼓言久困場屋乃詔入策進士終場經學並試殿庭三月庚午御講武殿覆試新進士宋準以下一百二十七人是歲禮部所放進士十一人而已五經止二十二入藝祖皇帝以初御試特優與取放以示異恩而御試進士不許稱門生于私門一洗故習大哉宏模可謂知所先務矣

吏銓試書判

國初承五季之亂吏銓書判拔萃科久廢建隆二年八月因左拾遺高錫上言請問法書十條以代試判詔今後應求仕及選人並試判三道仍復書判拔萃科先是諸道州府參選者每年終集于吏銓乾德二年正月甲申詔選人四時參選待之者甚厚責之者甚至真得馭臣之柄矣後因銓部姑應故事不分臧否雖文紕繆書不成字者亦令注官故真宗景德元年八月令銓司引對齋所試書判以備奏御仁宗卽

位之初以諸路闕官凡守選者並與放選以示特恩
至景祐元年正月遂廢書判為銓試議者以為奏補
人多令人假手故更新制曾不思書判猶如今之簾
引雖有假手不可代書若銓試之弊則又甚矣雖他
人代書可也省試猶可況銓試乎承平時假手者用
薄紙書所為文捺成團名曰紙毬公然貨賣亦由朝
廷施刑寔寬故也

復置縣尉

五代時尉職以軍校為之大為民患建隆三年十二

月癸巳詔諸縣置尉一員在主簿之下俸與主簿同
始令初賜第人為之從趙普之請也

選人服緋紫

國初選人有服緋紫或加階至大夫故人以為榮雖
老於選調不悔乾德二年六月庚寅中書詳定陶穀

等議防禦團練軍事推官軍事判官今從事郎二考加將

仕郎試秘書省校書郎留守兩府節度推官今文林郎三

考加承奉郎試大理評事掌書記防禦團練判官今儒

林二考加宣德郎依前試大理評事兼監察御史留

守兩府節度觀察判官今承一考加朝散大夫試大理司直依前監察御史又轉而為諸府少尹申奏加檢校官或加憲銜觀察判官以上服緋又十五年服紫但不佩魚謂之階緋階紫非有勞績而歷任無過失者並不改官故改官之法亦優

借緋紫佩魚

舊制借緋借紫皆不佩魚王詔為刑部侍郎上奏云與胥吏無別非所以示觀瞻乞與賜服人同佩魚從之然既許其佩魚袋則當改其銜為借紫金魚袋借

緋魚袋今尚仍舊銜此有司失於申明也詔化基之孫舉元之子終工部尚書享年七十九

盜賞不改官

舊制縣尉捕盜無改官者乾德六年三月庚寅詔尉逐賊被傷全火賜緋三分之一者減三選加三階五分之一者減二選加一階三分之一者減一選加一階縣令獲全火陞朝人改服色餘如尉賞身死者錄用的親子弟又詔捕寇立定日限已罹限外之責而終能獲賊者與除其罰不得書為勞績賞罰非不重

也若遽令改官親民則過矣

置司理參軍

今之司理參軍五代之馬步軍都虞候判官也以牙校爲之州鎮專殺而司獄事者輕視人命太祖皇帝開寶六年七月壬子詔州府並置司寇參軍以新及第九經五經及選人資序相當者充其後改爲司理參軍

因闕官增進士額

國初進士尚仍唐舊制每歲多不過二三十人太平興國二年太宗皇帝以郡縣闕官頗多放進士幾五百人比舊二十倍正月己巳宴新進士呂蒙正等於開寶寺賜御製詩二首故事唱第之後釀錢於曲江爲聞喜之飲近代於名園佛廟至是官爲供帳歲以爲常

進士解褐衣綠

先是進士參選方解褐衣綠是歲錫宴後五日癸酉詔賜新進士并諸科人綠袍靴笏自後以唱第日賜之惟賜袍笏不復賜靴

堂吏用士人

世傳堂吏舊用士人呂夷簡改用吏人非也太祖皇帝以堂吏擅中書事權多為奸賊開寶六年四月癸巳詔流內銓於前任令錄判司簿尉選諳練公事一十五人補堂後官三年一替令錄除陞朝官餘上縣五月庚辰以姜寅亮任能夏德崇孔崇煦為之此太祖開基立國之宏規也不特此爾寇準為宰相刑部大理寺三司法直副法直官舊例以令史遷補準悉用士人景德二年三月詔銓司選流內官一任三考無遺闕者引對試斷案授之蓋仰體太祖謹重堂後官之意而推廣之也然改制之初不能一掃而清之新舊雜用士大夫耻與為伍又三年為任人死固志舊吏長子孫為世業一齊不勝眾楚之咻太祖皇帝美意數傳之後寂然無聞是可恨也

進士試禮部給公券

遠方寒士預鄉薦欲試禮部假丐不可得則寧寄舉不試良為可念謹按開寶二年十月丁亥詔西川山南荆湖等道所薦舉人並給來往公券令樞密院定

燕翼貽謀錄卷一
例施行蓋自初起程以至還鄉費皆給於公家如是而挾商旅于關節繩之以法彼亦何辭今不復聞舉此法矣

置遞卒代遞夫

前代郵置皆役民爲之自兵農旣分軍制大異於古而郵亭役兵如故太祖卽位之始卽革此弊建隆二年五月詔諸道州府以軍卒代百姓爲遞夫其後特置遞卒優其廩給遂爲定制

陞節度使班

五季武夫悍卒以軍功進秩爲節度使者不可數計而班在卿監之下太祖皇帝以節度使受禪遂重其選陞其班於六曹侍郎之上此建隆三年三月壬午詔書也故恩數同執政官而除拜鎖院宣麻尤異焉非宗室近屬外戚國婿年勞久次不得爲此官此外則殿帥而已前宰執亦時有除拜者崇寧以來始有濫恩其後宦者皆得爲之殊失太祖改制之本旨矣

賜常參官時服

前代賜時服惟將相翰林學士至諸軍大校而止建

太祖皇帝謂宰相曰時服不賜百官甚無謂也宜並賜之乃以冬十月乙酉朔賜文武常參官時服自後遂爲定制

知州借緋紫

唐制爲刺史者並借緋太平興國二年二月戊戌詔常參官知節鎮並借紫防禦團練刺史州借緋候回川依舊服色其服緋人任諸州亦借紫惟軍壘則否

定試銜官爲七選

國初假試官乃以思澤補以不理選限太宗皇帝卽位牧伯皆遣子弟奉方物爲賀悉以試七選吏部南曹赴調引對始授以官自後假試方得齒仕版矣

置參知政事

太祖皇帝以趙普專權欲置副貳以防察之間陶穀以下丞相一等有何官穀以參知政事參知機務對乾德二年四月乙丑乃以薛居正呂餘慶爲參知政事不押班不知印不升政事堂曾不思唐朝宰相名色最多若僕射若內史若納言若參預朝政若同二同三品其爲相則均也而爲同平章事乃資歷之最

燕翼堂記卷一
九
淺者自天寶之亂多以資淺者爲之而此名一定不易矣穀以儒學見重於太祖而不考前代典故如此此官之設幾於宰相之屬其後至道元年四月戊子更制令升政事堂知印押班一同宰相仍給班爲一其後爲相者漸多而參政之權漸輕不得有所可否矣

一品綴中書班

官制未改之前凡宰執官自爲一班獨出百官之上雖前宰相以官師致仕者皆不得與宰執官齒乾德元年太祖因朝會見太子師侯益等班次在下乃以閏十二月丙子降詔凡一品致仕曾帶平章事者朝會綴中書門下班自後禮絕百僚矣

選人給印紙

先是選人不給印紙遇任滿給公憑到選以攷功過往往於已給之後時有更易不足取信太平興國二年正月壬申詔曰今後州府錄曹縣令簿尉吏部南曹並給印紙曆子外給公憑者罷之自此奔競巧求者不得以公憑營私更易改給矣

藩鎮屬州直隸京師

唐末藩鎮諸州聽命帥府如臣之事君雖或因朝命除授而事無巨細皆取決于帥與朝廷幾於相忘太平興國二年三月右拾遺李翰極言其弊太宗皇帝始詔藩鎮諸州直隸京師長吏自得奏事而後天下大權盡歸人主潛消藩鎮跋扈之心今長吏初除替滿奏事自此始也

常參官衣緋綠

舊制品官服緋紫者皆以品格故選人久次多服緋紫京朝選轉之速者反多服綠太平興國六年十一月冬至郊祀赦文令常參官衣緋綠二十年於吏部投狀具履歷以聞始以實歷後以應格者少改用蒞事日為始遂為定制

革帶之制

舊制中書舍人諫議大夫權侍郎並服黑帶佩金魚霍端友為中書舍人奏事徽宗皇帝顧其帶問云何以無別於庶官端友奏非金玉無用紅鞞者乃詔四品從官改服紅鞞黑犀帶佩金魚今武臣大使臣以

上紅鞵不知何所從始也國初士庶所服革帶未有定制大抵貴者以金賤者以銀富者尚侈貧者尚儉太平興國七年正月壬寅詔三品以上鈔以玉四品以金五品六品銀鈔金塗七品以上并未嘗參官并內職武官以銀上所特賜不拘此令八品九品以黑銀今世所謂葉點烏銀是也流外官工商士人庶人以鐵角二色共金荔枝鈔非三品以上不許服太宗特新此鈔其品式無傳焉其後毬文笏頭御仙又出於太宗特製以別貴賤而荔枝反爲御仙之次雖非從官特賜皆許服初品京官特賜帶者卽服紫矣鞍轡之別亦始於太宗時太平興國七年正月詔常參官銀裝鞍絲條六品以下不得開裝仍不得用刺繡金皮飾韉未仕者烏漆素鞍則是一命以上皆可以銀裝鞍也近歲惟郡太守猶存銀裝絲條之制此外無敢用者若烏漆則庶人通用而鞍皮之巧無所不至其用素鞍者鮮矣

臣庶許服紫袍

國初仍唐舊制有官者服皂袍無官者白袍庶人布

袍而紫帷施於朝服非朝服而用紫者有禁然所謂紫者乃赤紫今所服紫謂之黑紫以爲妖其禁尤嚴故太平興國七年詔曰中外官并貢舉人或於緋綠白袍者私自以紫於衣服者禁之止許白袍或皂袍至端拱二年忽詔士庶皆許服紫所在不得禁止而黑紫之禁則申嚴於仁宗之時今虜中之服乃是國初申嚴之制此理所不可曉也

僚屬拜長官

太祖皇帝收藩鎮之權雖大藩府不敢臣屬其下使之拜伏于庭而爲小官者亦漸有陵慢其上之意咸平五年五月壬戌知開封府寇準極陳其不可乃詔開封府左右軍巡使京官知司錄諸曹參軍知畿縣見知府並庭參設拜自後諸州選人並拜于庭故老泉上書亦嘗言之不知此禮廢于何時

進士免解

進士舊無免解之條咸平二年六月丙戌詔貢舉應三舉人並免取解若三舉連中則是九年三舉不連中則有二三十年者不若限以十八年之爲均平也

若四舉連中則亦罕有不爲濫矣

遠宦丁憂不解官

國初士大夫往往久任亦罕送迎小官到罷多芒屨策杖以行婦女乘驢已爲過矣不幸丁憂解官多流落不能歸咸平二年三月甲戌詔川峽廣南福建路官丁憂不得離任聖主端居九重而思慮至此則從宦遠方者不至於畏憚而不敢往祖宗仁厚之澤大抵如此其後以川峽距京師不甚遠至景德二年三月復聽川峽官丁憂惟長吏奏裁

尉司不得置獄

尉職警盜村鄉爭鬪憚經州縣者多投尉司尉司因此置獄拷掠之苦往往非法咸平元年十月己丑有詔申警悉毀撤之詞訴悉歸之縣蓋後生初任未歷民事輕於用刑縣令權輕不能制服民受其殃此令一行至今無敢犯者

吏銓主專用選人

銓曹吏人奸弊最甚掌銓者雖聰明過人皆不能出真宗朝有以爲言者咸平三年十二月丁未詔選判

司簿尉充吏部流內銓南曹主事所以重士大夫之選其視待流外者霄壤不侔矣

燕翼貽謀錄卷二

定遷秩之制

國初三歲郊祀士大夫皆遷秩真宗卽位孫何力陳其濫乞罷遷秩之例仍命有司考其殿最臨軒黜陟咸平四年四月方頒行自後士大夫循轉頗艱

禮闈禁懷挾

國初進士科場尚寬禮闈與州郡不異景德二年七月甲戌禮部貢院言舉人除書案外不許將茶厨蠟燭等入除官韻外不得懷挾書策犯者扶出殿一舉

其申嚴誠是也而元豐貢院之火死者甚衆則是法不行也

舉人命題

又試場所問本經義疏不過記出處而已如呂申公試卷問子謂子產有君子之道四焉所謂四者何也荅曰對其行已也恭其事上也敬其養民也惠其使民也義謹對試卷不謄錄而考官批于界行之上能記則曰通不記則曰不十問之中四通則合格矣其誤記者亦只書曰不而全不能記荅曰對未審謹對

雖已封彌而兼采譽望猶在觀其字畫可以占其爲人而上之應舉者知勉於小學亦所以誘人爲善也自謄錄之法行而字畫之繆或假手於人者肆行不忌人才日益卑下矣行卷之禮人自激昂以求當路之知其無文無行鄉閭所不齒亦不敢妄意於科舉使古意尚存則如章子厚者豈容其應進士舉乎

進士第一人給金吾前引

舊制進士首選同唱第人皆自備錢爲鞍馬費而京師遊手之民亦自以鞍馬候於禁門外雖號廷魁與

衆無以異也大中祥符八年二月戊申詔進士第一人金吾司差七人導從兩節前引始與同列特異矣進士考試差官屬之轉運使惟許本路差官大中祥符八年二月乙卯詔本路關人即報鄰路差

納粟補官

納粟補官國初無天禧元年四月登州年平縣學究鄭巽出粟五千六百石振饑乞補第巽不從晁迥李維上言乞特從之以勸來者豐稔即止詔補三班借

職今本信郎

自後援巽例以請者皆從之然州縣官不許

接坐止令庭參熙寧元年八月詔給將作監主簿齋郎助教牒募民實粟千邊此古人募民實粟塞下遺意也因記淳熙間詔以旱故募出粟拯民二千石補初品官而龍舒一郡應格者數人郡以姓名來上孝宗皇帝疑而不與仲父軒山先生力諫以為失信於人恐自後歉歲無應募者孝宗亟從之已而應募者衆

謫官不得薦舉

舊制朝臣監司因事謫官多為監當雖在貶所猶以

前任舉官言者以為無以示貶抑之意天禧元年五月壬戌始制因罪監當不得舉官克知縣朝臣不得舉本州幕職官前朝貶謫雖重敘用亦驟未聞其黜免而置之閑地也王安石一時私意貽害無窮罪不勝誅國猶為其所誤而况士大夫乎

增百官俸

國初士大夫俸入甚微簿尉月給三貫五百七十而已縣令不滿十千而三之二又復折支茶鹽酒等所人能幾何所幸物價甚廉粗給妻孥未至凍餒然艱

窘甚矣景德三年五月丙辰詔赤畿知縣已令擇人俸給宜優自今兩赤縣月支見錢二十五千米麥共七斛畿縣七千戶以上朝官二十千六斛京官二十千五斛五千戶以上朝官二十千五斛京官十八千四斛三千戶以上朝官十八千京官十五千米麥四斛三千戶以下京官錢十二千米麥三斛是時已為特異之恩至四年九月壬申詔曰並建庶官以登庶務宜少豐於請給以各勵於廉隅自今文武官月請折支並給見錢六分外任給四分而惠均覃四海矣

貢士得贖罪

舊制士人與編氓等大中祥符五年二月詔貢舉人曾預省試公罪聽收贖而所贖止於公罪徒其後私罪杖亦許贖論

復置封駁司

唐朝職掌因五季之亂遂至錯亂或廢不舉給事中掌封駁不可一日無皇朝淳化四年太祖皇帝推考廢職始於唐末乃命魏庠柴成務同知給事中未幾隸銀臺通進司為封駁司真宗咸平四年七月吏部

侍郎知封駁司陳恕乞鑄印命取門下印用之因改其名為門下封駁司

攝太祝不許同正員

國初五品以上任子有陳乞攝太祝者雖班初品選人下然不一二年經營巧求即同正員是與侍從奏補無以異也至道二年四月乙未太宗皇帝深懲其弊乃詔五品以上任子悉同學究出身不許攝太祝自後京選判然巧求者無所容其奸

伎術官不得擬常叅官

應伎術官不得與士大夫齒賤之也至道二年正月
申嚴其禁雖見任京朝遇慶澤只加勲階不得擬常
參官此與書學畫學筭學律學並列於文武兩學者
異矣

三班任廣南免短使

王師初下廣南北人畏瘴癘無敢往者雖武臣亦憚
之後有武臣自廣南替回陳乞免短使者銓部以聞
大中祥符八年七月辛亥始詔三班使臣任廣南差
遣替回並免短使遂以爲制

金銀價錢

祖宗立國之初崇尚儉素金銀爲服用者鮮士大夫
罕以侈靡相勝故公卿以清節爲高而金銀之價甚
賤至東封西祀天書降天神現而侈費寢廣公卿士
大夫是則是劬而金銀之價亦從而增故大中祥符
八年十一月乙巳真宗皇帝覽三司奏乏銀支用問
輔臣曰咸平中銀兩八百金兩五千今何增踊如此
然不知是時其價若干也蓋上以爲重則下競趨之
求之者多則價不得不踊咸平距祥符十數年間世

變已如此况承平日久侈費益甚沿襲至于宣政之間乎是宜價日增而未已也

沿江權貨務

國初沿江置務收茶名曰權貨務給賣客旅如鹽貨然人不以為便淳化四年二月癸亥詔廢沿江八處應茶商並許於出茶處市之未幾有司恐課額有虧復請于上六月戊戌詔復舊制六飛南渡後官不能運致茶貨而權貨務只賣茶引矣

考課院更名

皇朝吏銓不曰尚書吏部而曰考課院其上著京朝官幕職州縣官以別之淳化四年二月丙戌詔改考課京朝官院為審官院考課幕職州縣官院為考課院而總謂之流內銓云

置登聞檢鼓院

唐有理匭使五代以來無聞太宗皇帝淳化三年五月辛亥詔置理檢司以錢若水領之其後改曰登聞院又置鼓于禁門外以達下情名曰鼓司真宗景德四年五月戊申詔改鼓司為登聞鼓院登聞院為檢

院應上書人並詣鼓院如本院不行則詣檢院以朝
官判之判院之名始于此

置審刑院于禁中

大理寺奏案刑部審覆奏而行之太宗皇帝慮刑部
大理寺吏舞文巧詆特置審刑院於禁中以李昌齡
為之中覆下丞相必又以聞始論淳化三年八月
已卯詔行之謹重人命如此自官制改并歸刑部不
復有中覆矣

復百官次對

唐百官入閣有待制次對官德宗興元中日令常參
官三兩人奏事後唐天成中廢待制次對官五日一
次內殿百官轉對長興二年停晉天福七年復漢乾
祐二年陶穀奏罷之淳化二年十一月丙申太宗皇
帝再復舊制詔百官次對每日兩次

淳化貢舉人數

諸州貢士國初未有限制來者日增淳化三年正月
丙午太宗命諸道貢舉人悉入對崇政殿凡萬七千
三百人時承平未久也不知其後極盛之時其數又

幾倍也

嚴禁蒲博

世有惡少無賴之人肆凶不逞小則賭博大則屠牛馬銷銅錢公行不忌其輸錢無以償則爲穿窬若黨類頗多則爲劫盜縱火行奸殺人不防其微必爲大患淳化二年閏二月己丑詔相聚蒲博開櫃坊屠牛馬驢狗以食私銷銅錢爲器川並令開封府嚴戒坊市捕之犯者定行處斬引匿不以聞與同罪所以塞禍亂之源驅斯民納之善也其後刑名寢輕而法不足以懲姦犯之者衆嘗怪近世士大夫莅官視此三者爲不急之務知而不問者十常七八因訴到官有不爲受理者是開盜賊之門也母乃不思之甚乎

許封本生父母

皇朝以孝治天下篤厚人倫子之出繼他位者得封贈其本生父母此前所未聞也李昉爲宰相上言臣叔父超故任工部郎中集賢殿學士叔母謝氏故陳留郡君是臣本生父母臣不報罔極之恩爲名教罪人今郊祀覃恩望與追榮太宗皇帝嘉之淳化四年

二月乙丑詔贈超爲太子太師謝氏鄭國太夫人然
此猶因昉有請而從之也至真宗天禧元年八月辛
未詔文武陞朝官父不在無嫡母繼母者許敘封本
生父母則四海之內均沾寵惠雖於古禮違悖亦忠
厚之至也

爲出母服

士大夫之家不幸出妻爲之子者非其親生猶可不
服苟其所親生而視之忽然則非人類矣張永德父
穎先娶馬氏生永德爲穎所出永德知鄧州於州廨

作二堂左繼母劉氏居之右馬氏居之不敢以出母
加於繼母永德事二母如一人無間言時大臣母妻
皆得入謁劉氏存日馬不敢同入禁中劉氏卒馬始
得入謁太宗勞問嘉歎封莒國太夫人此可爲人子
事出母之法仁宗景祐三年九年集賢校理郭稹乞
爲嫁母服詔兩制御史大常寺禮院議詔自今並許
解官申心喪

褒前賢後

前代名賢之後累聖褒表最顯著有四人一日狄梁

公仁傑二曰張曲江公九齡三曰段太尉秀實四曰
郭汾陽王子儀真宗景德三年正月丙戌張公九世
孫元吉詣闕獻明皇墨跡并張公寫真告身詔以爲
韶州文學大中祥符四年八月丙辰以段公孫亮爲
三班借職仁宗天聖六年七月張公九世孫錫又以
公告身并明皇批荅來獻補試國子四門助教慶曆
三年三月壬辰詔以狄公孫華州明法狄國賓爲本
州助教四年正月丙戌以郭公裔孫元亨爲永興軍
助教元豐五年四月復以段公八世孫文酉爲隴州
助教復其家國家非靳一命於先賢也謹惜名器雖
賢者猶爾况褻用之乎

禁侈靡

咸平景德以後粉飾太平服用寢侈不惟士大夫之
家崇尚不已市井閭里以華靡相勝議者病之大中
祥符元年二月詔金箔金銀線貼金銷金間金蹙金
線裝貼什器土木玩之物並行禁斷非命婦不得以
金爲首飾許人糾告並以違制論寺觀飾塑像者齎
金銀并工價就文思院換易四年六月又詔宮院苑

同等止用丹白裝飾不得用五綵皇親士庶之家亦
 不得用春幡勝除宣賜外許用綾絹不得用羅諸般
 花用通草不得用縑帛八年三月庚子又詔自中宮
 以下衣服並不得以金為飾應銷金貼金縷金間金
 戴金圈金解金剔金燃金陷金明金泥金榜金背金
 影金闌金盤金織金金線皆不許造然上之所好終
 不可得而絕也仁宗繼統以儉朴躬行於慶曆二年
 五月戊辰申嚴其禁上自宮掖悉皆屏絕臣庶之家
 犯者必置於法然議者猶有憾以為有未至焉自是
 而後此意泯矣

陞應天府為南京

真宗皇帝東封西祀思顯先烈大中祥符七年正月
 乙卯詔陞應天府為南京建行宮正殿以歸德為名
 以聖祖殿為鴻慶宮奉太祖太宗像侍立於聖祖之
 旁其後遂開高宗皇帝中興之祥此正殆非偶然者
 矣

殺欺罔僧

僧徒奸狡雖人主之前敢為欺罔江東有僧詣闕乞

修天台國清寺且言如寺成願焚身以報太宗從之
命中使衛紹欽督役戒之曰了事了來紹欽卽與俱
往不日告成紹欽積薪如山驅使入火僧哀鳴乞回
闕下面謝皇帝而後自焚紹欽怒以叉叉入烈焰僧
宛轉悲號而絕歸奏太宗曰臣已了事太宗領之苟
非就焚太宗必以欺罔戮之於市矣

禁民庶宮觀寄褐

黃冠之教始於漢張陵故皆有妻孥雖居宮觀而嫁
娶生子與俗人不異奉其教而誦經則曰道士不奉
其教不誦經惟假其冠服則曰寄褐皆游惰無所業
者亦有凶歲無所給食假寄褐之名挈家以入者大
抵主首之親故也太祖皇帝深疾之開寶五年閏二
月戊午詔曰末俗竊服冠裳號爲寄褐雜居宮觀者
一切禁斷道士不得畜養妻孥已有家者遣出外居
止今後不許私度須本師知觀同詣長吏陳牒給公
憑違者捕繫抵罪自是宮觀不許停著婦女亦無寄
食者矣而黃冠之兄弟父子孫姪猶依憑以居不肯
去也名曰親屬大中祥符二年二月庚子真宗皇帝

詔道士不得以親屬住宮觀犯者嚴懲之自後始與僧同其禁約矣

國忌行香

國忌行香本非舊制真宗皇帝大中祥符二年九月丁亥詔曰宣祖昭武皇帝昭憲皇后自今忌前一日不坐羣臣進名奉慰寺觀行香禁屠廢務著于令自後太祖太宗忌亦援此例累朝因之今惟存行香而已進名奉慰久已不有亦不禁屠雙忌則休務單忌亦不廢務矣

揚州彰武殿

太祖征李重進還以御營建寺所御之榻存焉後僧徒共建一殿申嚴崇奉名彰武殿且請降御容使民庶瞻仰真宗皇帝命翰林畫工圖寫嚴衛而往仍賜供具景德二年八月癸巳命中使前往奉安遇朔望州郡率官僚朝禮六飛南渡蕩爲煨燼後雖建殿不復奏請御容姑存遺跡而已

蘭亭天章寺

太宗皇帝命內侍裴愈與山陰縣令李易直訪王羲

之蘭亭舊跡其流杯修禊處在越州僧子謙因請建寺於舊地以藏御札至道二年二月壬辰詔從子謙之請賜寺名天章仍以御書賜之

東京相國寺

東京相國寺乃瓦市也僧房散處而中庭兩廡可容萬人凡商旅交易皆萃其中四方趨京師以貨物求售轉售他物者必由于此太宗皇帝至道二年命重建三門爲樓其上甚雄宸墨親填書金字額曰大相國寺五月壬寅賜之

尼不得於僧寺受戒

僧寺戒壇尼受戒混肴其中因以爲姦太祖皇帝尤惡之開寶五年二月丁丑詔曰僧尼無聞實齋教法應尼合度者只許於本寺起壇受戒令尼大德主之如違重置其罪許人告則是尼受戒不須入戒壇各就其本寺也近世僧戒壇中公然招誘新尼受戒其不至者反誣以違法尼亦不知法令本以禁僧也亦信以爲然官司宜申明禁止之

萬壽觀金銀像

萬壽觀本玉清昭應宮也宮爲火所焚惟長生崇壽殿存殿有三像聖祖真宗各用金五千兩餘昊天玉皇上帝用銀五千餘兩仁宗天聖七年詔玉清昭應宮更不復修以殿爲萬壽觀蓋明肅太后尚有修營之意宰臣猶帶使令領至是始去之示不復修營也

冊寶法物用塗金

真宗皇帝朝盛禮禘儀屢舉費金最多金價因此頓長人以爲病仁宗明道二年正月癸未詔冊寶法物凡用金者並改用銀而以金塗之自此十省其九至今惟寶用金餘皆金塗也

燕翼詒謀錄卷三

無爲軍災異祥瑞

太宗皇帝以海內混一四方無虞乃於江南置太平軍江北置無爲軍取太平無爲之義太平後改爲州無爲之建在淳化四年十二月戊戌至大中祥符二年建軍方十有六年災異變恠忽發八月中有青蛇長數丈出郡治十六日風雨林木城門營壘盡壞壓死千餘人夜三鼓方止九月乙亥奏至真宗皇帝亟命中使弘景宣馳驛恤視民壞屋者無出來年夏租

壓死者家賜米一斛無主及貧乏者官收瘞之令長
史就宮觀精虔設醮爲民祈福是時方尙祥瑞宰相
甚怒加譴郡守真宗不從其後守臣懲艾於五年三
月壬午奏甘露降桐樹七年七月庚寅奏聖祖殿叢
竹內獲毛履二以爲聖祖降九年四月奏瑞氣覆巢
湖畫圖來上皆奉承上意也洎至皇祐三年仁宗皇
帝在位三十年矣六月丁亥守臣茹孝標奏城內小
山生芝三百五十本悉以上進改名其山曰紫芝山
叢爾一培塿不應一時所產若是之多也上怒曰朕
以豐年爲瑞賢臣爲寶草木蟲魚之異烏足尚哉茹
孝標與免罪戒州縣自今無得以聞大哉王言足以
警臣子之進諛者矣

鳳凰麒麟見瑞

虞書載簫韶九成鳳凰來儀三代以後無傳焉惟漢
宣帝時嘗見史不載其形狀如何真宗景德元年五
月七日午時白州有鳳凰三自南入城衆禽周遶至
萬歲寺前棲高木上身如龍長九尺高五尺其文五
色冠如金蓋至申時飛向北去遂不復見州畫圖來

上是時天下承平日久可謂治世宜其覽德輝而下也若麟惟先聖識之漢武獲一角獸當時以爲麟太史公不以爲然也太平興國九年十月癸巳嵐州獻獸一角似鹿無班角端有肉性馴善詔羣臣參驗徐鉉滕中正王佑等上奏曰麟也宰相宋琪等賀

設法賣酒

官榷酒酤其來久矣太宗皇帝深恐病民淳化五年三月戊申詔曰天下酒榷先遣使者監筦宜募民掌之減常課之十二使其易辦吏勿復預蓋民自鬻則

取利輕吉凶聚集人易得酒則有爲生之樂官無譏察警捕之勞而課額一定無致違欠公私兩便然所入無贏餘官吏所不便也新法旣行悉歸于公上散青苗錢于設廳而置酒肆于譙門民持錢而出者誘之使飲十費其二三矣又恐其不顧也則命娼女坐肆作樂以蠱惑之小民無知爭競鬪毆官不能禁則又差兵官列枷杖以彈壓之名曰設法賣酒此設法之名所由始也太宗之愛民寧損上以益下新法惟剝下奉上而且誘民爲惡陷民於罪豈爲民父母之

意乎今官賣酒用妓樂如故無復彈壓之制而設法之名不改州縣間無一肯釐正之者何耶

歲限度僧數

江南李主佞佛度人為僧不可數計太祖既下江南重行沙汰其數尚多太宗乃為之禁至道元年六月巳丑詔江南兩浙福建等處諸州僧三百人歲度一人尼百人歲度一人自昔歲度僧道惟試經且因寺之大小立額如進士應舉然雖奸猾多竄身其中而庸蠢之甚者無所容自朝廷立價鬻度牒而僕厮下流皆得為之不勝其濫矣

州長吏親決徒罪

州長吏不親監決中唐以來為然遇引斷皆牙校監決於門外太宗恤刑慮有冤濫至道元年六月巳亥詔諸州長吏凡決徒罪並須親臨因太常博士王欽有請也今州郡杖罪悉委職幕官而徒罪必自監決帥府則以徒罪委通判聖朝謹嚴於用刑蓋以人命為重也

喪葬不得用僧道

喪家命僧道誦經設齋作醮作佛事曰資冥福也出
葬用以導引此何義耶至於鏡鉞乃胡樂也胡俗燕
樂則擊之而可用於喪柩乎世俗無知至用鼓吹作
樂又何忍也開寶三年十月甲午詔開封府禁止士
庶之家喪葬不得用僧道威儀前引太平興國六年
又禁送葬不得用樂庶人不得用方相魃頭今犯此
禁者所在皆是也祖宗於移風易俗留意如此惜乎
州縣間不能舉行之也

鐵錢權銅錢

江南李唐舊用鐵錢蓋因韓熙載建議以鐵錢六權
銅錢四然銅錢之價相去甚遠不可強也江南末年
鐵錢十僅直銅錢一江南平民間不肯行用轉運使
樊若水請廢之太平興國二年二月詔官收民間鐵
錢鑄爲農器以給江北流民之歸附者於是江南鐵
錢盡矣然川蜀陝西用之如故川蜀每鐵錢一貫重
二十五斤銅錢一當十三小民鑄爲器用賣錢二千
於是官錢皆爲小民盜銷不可禁止大中祥符七年
知益州凌策請改鑄每貫重十二斤銅錢一當十民

間無鈺銷之利不復爲矣慶曆初知商州皮仲容議
采洛南紅崖號州青水銅置阜民朱陽二監鑄大錢
一可當小錢三以之當十民間趨利盜鑄不已至八
年張方平宋祁議以爲當更乃詔改銅錢當十先是
慶曆元年十一月詔江饒池三州鑄鐵錢一百萬貫
助陝西經費所積尤多錢重民苦之至是併罷鑄鐵
錢其患方息

鎖應不合格

舊制命官鎖廳應舉先於所屬選官考試所業方聽
取解至禮部程文紕繆勒停不合格者贖銅永不得
應舉中格庭對唱第日仍降甲蓋期待任子者甚厚
非比寒士也雖欲假手其可得乎故當時由此塗出
此皆爲文人仁宗欲開誘進之路天聖四年六月辛
未詔免舉所業下第人免責罰仍許再應舉景祐元
年復詔鎖廳人不合格除其罪以試者尚少而申明
之也然自是任子心無所憚雖實無才能者亦求試
矣

罷張燈

國朝故事三元張燈太祖乾德五年正月甲辰詔曰
上元張燈舊止三夜今朝廷無事區宇乂安方當年
設之豐登宜縱士民之行樂其令開封府更放十七
十八兩夜燈後遂為例太宗淳化元年六月丙午詔
罷中元下元張燈中雖廢之而私家猶有私自張燈
者余曩仕山陽中元下元酒務張燈賣酒豈北方遺
俗猶有存者耶

七夕改用七日

北俗遇月三七日不食酒肉蓋重道教之故而七夕
改用六日太平興國三年七月乙酉詔曰七夕佳辰
近代多用六日宜以七日為七夕頒行天下蓋方其
改用六日之時始於朝廷故釐正之自朝廷始

二月獻羔開冰

月令開冰獻羔在仲春之月五季之亂訛舛至用四
月淳化三年三月己未詔改正之

朝辭宣旨戒飭

祖宗留意民事丁寧戒飭雖州縣小官未嘗少怠太
平興國八年三月丁未詔應京朝官受任於外并州

縣幕職官朝辭并於閤門宣旨戒勗以其詞著之坐
右不知此制廢於何時苟州縣小官亦蒙皇恩寵綏
决知自重思所以稱上意不敢自暴自棄矣惜無能
舉行之者也

外官給告澣濯

承平時闕多員少士大夫注擬必求須次者以自便
蓋王事執掌久勞于外乍還鄉里展掃墳墓聚會親
族料理生產作業勢使之然甚而違年繩以三尺不
能禁也淳化二年正月己丑詔京朝官釐務于外者
受詔後給假一月澣濯所在州府以以上日聞違者有
罪其後進士既多任子亦衆故東坡進策有一官三
人共之之說以爲居者一人去者一人而伺之者又
一人莅官之日少閑居之日長而士大夫至於冒法
况今一官而五六人共之耶

州縣官秩滿試法

雍熙三年九月癸未詔知州通判幕職州縣官秩滿
至京師於法書內試問如全不知者量加殿罰所以
關防檢察癯老昏繆疾病之人也今知州到闕必須

奏事通判而下不復舉行殊失祖宗謹重州縣勤恤
民瘼之意豈非不才者多惡其害已而不欲舉行之
乎

大觀八寶

漢天子印符曰璽後世因其名不改國初御前之印
書詔之印天子合同之印其名不正雍熙三年十月
丙午並改爲寶別鑄用之皇祐五年仁宗以奉宸庫
有美玉廣尺厚半之命製爲鎮國神寶宰臣龐籍篆
文劉沆書牌哲宗元符元年咸陽民段義獻玉璽云

紹聖三年河南鄉修造家舍掘得之色綠如藍文曰
受命于天既壽永昌其背螭紐五盤詔蔡京等議之
咸以爲真秦璽也詔仍舊爲傳國璽徽宗太觀元年
詔求美玉製八寶以易六璽十一月壬戌詔曰永惟
受命之符宜有一代之制而尚循秦舊六璽之用自
天申命地不愛寶獲全玉於異域得妙工於編珉八
寶旣成竈無前比可以來年正月朔日御大慶殿恭
受八寶是舉恩數特厚政和七年九月辛巳又製定
命寶範圍天地幽贊神明保合太和萬壽無疆爲文

廣九寸號九寶二聖北狩寶淪異域高宗皇帝複製八寶循大觀舊規也

仁宗誕日賜包子

大中祥符八年二月丁酉值仁宗皇帝誕生之日真宗皇帝喜甚宰臣以下稱賀宮中出包子以賜臣下其中皆金珠也是年仁宗方就學天生聖人得於夢兆方五歲聖質已異常人故均福臣下者特異真宗時開封府洎京畿縣受納綿多取出剩訖事悉捨其餘均賜官吏而官吏無厭愈更多取歲增不已景德

三年六月壬辰詔悉蠲之官吏所賜以官錢給其直有蔭人不得爲吏

國初吏人皆士大夫子弟不能自立者忍耻爲之犯罪許用蔭贖吏有所恃敢於爲奸天聖七年三月乙丑三司吏毋士安犯罪用祖令孫蔭詔特決之仍詔今後吏人犯罪並不用蔭又詔吏人投募責狀在身無蔭贖方聽入役苟吏可用蔭則是仕宦不如爲吏也誘不肖子弟爲惡莫此爲甚禁之誠急務不可緩也

關陞次序

舊制京朝官實歷知縣三任入同判同判實歷三任入知州天聖六年七月己亥詔自今任內有五人同罪奏舉減一任同判後改為通判至今因之各以兩任四考關陞

審視差知州軍

審官院定差知州軍並以資歷不容超越資歷當得不
不容不與天聖七年九月辛巳詔審官院定差並申
中書引上審視若懦庸老疾不任事者罷之今都堂

審察其遺意也

奏薦以服屬

國初奏薦之制甚寬不拘服屬遠近天聖四年始詔
臣僚奏薦子弟須言服紀不許奏無服之親冒奏者
不以赦原其後又以服屬之親踈為奏官之高下可
謂良法

進奉人等第推恩

乾興元年仁宗皇帝登寶位八月令學士院試諸州
進奉賀登位人曾舉進士試大理評事曾舉諸科試

秘書省正字餘試校書郎不願試人太廟齋郎凡四
等試大理評事元豐爲假承事郎今爲通仕郎出官
從事郎試秘書省正字元豐爲假承奉郎今爲登仕
郎出官迪功郎太廟齋郎元豐未改今爲將仕郎出
官亦迪功郎其後例補將仕郎惟宰執得登仕郎

資善堂

大中祥符八年仁宗封壽春郡王以張士遜崔遵度
爲友講學之所爲資善堂此資善之名所由始也自
後元良就學所皆曰資善

主家不得黥奴僕

五代諸侯跋扈枉法殺人主家得自殺其奴僕太祖
建國首禁臣下不得專殺至建隆三年三月己巳降
詔郡國斷大辟錄案朱書格律斷詞收禁月日官典
姓名以聞取旨行之自後生殺之權出於上矣然主
家猶擅黥奴僕之面以快其忿毒真宗咸平六年五
月復詔士庶之家奴僕有犯不得黥面蓋重於戕人
肌膚也祖宗謹重用刑苟可以施忠厚者無所不用
其至如詔太歲三元聖節不決死罪則淳化二年二

燕臺集卷之二
月也令衆人自五月一日至八月一日免則天聖四年四月辛未詔也列聖相承莫敢不遵此所以祈天永命歟

公使庫不得私用

祖宗舊制州郡公使庫錢酒專饋士大夫入京往來與之官罷任旅費所饋之厚薄隨其官品之高下妻孥之多寡此損有餘補不足周急不繼富之意也其講睦鄰之好不過以酒相遺彼此交易復還公帑苟私用之則有刑矣治平元年知鳳翔府陳希亮自首

曾以鄰州公使酒私用貶太常少卿分司西京乃申嚴其禁公使酒相遺不得私用並入公帑其後祖無擇坐以公使酒三百小瓶遺親故自直學士謫授散官安置况他物乎故先世所歷州郡得鄰郡酒皆歸之公帑換易荅之一瓶不敢自飲也

皇子不得爲師傅

師傅保輔佐人主其名甚重非道尊德重不可以居也師導之教訓傳傳其德義保保其身體如周召畢公之於成王可以當是名矣漢之張禹孔光辱莫甚

焉鄧禹其庶幾乎後世以爲階官而序進之失其本旨矣若皇子加官而冠以師傅保之稱此何義也子雖賢而可爲父之師傅保乎况有年方孩幼卽加是官者尤悖理矣故英宗治平二年御史中丞賈黯力陳其非四月丙午詔止加三公太尉司徒司空是也自此名正言順人無得而議宣政以後至以師傅保加之宦豎其悖理尤甚矣

京朝官須入知縣

選人改京朝官憚於作縣多歷閑慢比折知縣資序熙寧十年二月戊子詔選人磨勘改京朝官須入知縣雖不拘常制不得舉辟近世此禁寢弛凡改官人有出身任教授無出身任簽判二考滿則赴部注破格通判矣孝宗皇帝申嚴舊制仍以三年爲任考第未足或有過犯不得注通判至今遵行之

加婦服舅姑喪

禮經女子出適以父母三年之喪折而爲二舅姑父母皆爲朞喪太宗孝明皇后居昭憲太后之喪齊衰三年故乾德二年判大理寺尹拙少卿薛允中等奏

三年之內凡筵尚存夫居苦塊之中婦被綺羅之飾
夫婦齊體哀樂不同乞令舅姑之喪婦從其夫齊斬
三年於義爲稱十二月丁酉朔詔從之遂爲定制

燕翼貽謀錄卷四

改江南官服色

江南初下李後主朝京師其羣臣隨才任使公卿將
相多爲小官惟任州縣官者仍舊至於服色例令服
綠不問官品高下以示別於中國也太宗淳化元年
正月戊寅赦文應諸路僞授官先賜緋人止令服綠
今並許仍舊其先衣紫人任常參官亦許仍舊遂得
與王朝官齒矣

報母讎免死

楊萬頃殺張審素審素二子璵瑋爲父復仇殺萬頃張九齡欲活之李林甫必欲殺之而二子竟伏大刑蓋九齡君子喜人爲善林甫小人嫉人爲善好惡不同故也苟其父罪當死子不當報仇父死不以罪或非出上命而爲人所擠陷以死可不報乎審素之仇所當報也太宗雍熙三年七月癸未京兆府鄠縣民甄婆兒報母仇殺人詔決杖遣之惜乎璵瑋之不遇聖時明主也

報叔父母恩封贈

歐陽修少孤其叔父教之學旣貴乞以一官回贈以報其德詔從之乃自員外郎贈郎中後世以爲美談不知又有先於修者王曾爲參知政事改葬叔太子中舍宗元叔母嚴氏自言幼孤叔父母育之詔贈宗元工部員外郎嚴氏懷仁縣太君

駙馬不得升行

李遵勗本名勗崇矩之孫繼昌之子真宗朝尚長公主御筆增爲遵勗升爲崇矩之子繼昌之弟自此爲例實亂人倫治平四年二月神宗皇帝手詔述英宗

治命應公主出降其夫不升同父行蓋英宗久欲釐正以病未果出命故神宗以遺命行可謂善述人之事矣

禁越訴

士大夫治小民之譽者縱小民妄訴雖虛妄灼然亦不及坐甚而聽其驀越幾於樓攬生事矣曾不思善良之民畏官府如虎狼甘受屈抑不敢理雪而奸猾之民以恐脇把持爲生與吏囊橐視官府如私家肆行不忌士大夫墮其計中爲其所困殊不自覺良可

嘆也太祖皇帝乾德二年正月乙巳詔應論訴人不
得驀越陳狀違者科罪開基創業之初首念及此慮
爲善良害也真宗咸平元年七月詔所訴虛妄好持
人短長爲鄉里害者再犯徒三犯杖訖械遂軍頭引
見司苟能舉而行之庶幾妄訴者息矣

早幼碁喪免妨試

舊制碁喪百日内妨試尊卑長幼同士人病之多入
京冒哀就同文試洎中選被人論訴不免坐罪天禧
四年二月壬申翰林學士承旨晁迥上言諸州士人

以碁制妨試奔湊京數請自今卑幼碁服不妨取解
詔從之自後冒哀求試者寡矣大凡人家尊長碁喪
多年高者卑幼碁喪多年幼者免避卑幼則妨試亦
鮮

創大宗政司

國初宗室尚少隸宗正寺仁宗景祐三年以宗室衆
多特置大宗正司以皇兄寧江軍節度使允讓知大
宗正事仍詔自今於祖宗後各擇一人爲之尙賢而
不以齒糾正違失凡宗室奏陳先委詳酌而後聞不
得專達其後又以宗室出居外川於西京置西外宗
正司南京置南外宗正司矣

州縣立義倉

今州縣義倉米始於仁宗時始集賢校理王琪嘗於
景祐中陳請乞每正稅二斗別輸一升領於轉運使
遇水旱振給有司會議不同而止慶曆元年九月琪
申前議上特詔行之至新法行又增作每一斗收一
升然水旱振給所賴爲多行之日久官吏視爲公家
之物遇振給靳惜特甚殊失元立法之意

增置臺諫

仁宗重臺諫之選景祐元年四月癸丑詔御史臺置殿中侍御史監察御史裏行又詔舉三丞以上嘗歷知縣人除御史裏行二年除御史又二年除三司開封判官自清要而歷繁劇選任既重一時號稱得人明道元年七月辛卯又以諫官無治所乃以門下省充諫院而別創門下省於右掖門之西蓋朝臣皆有入局之所獨諫院無之故也

祖宗配天

真宗欲以太宗配天於南郊而太祖之配不可改乃奉太宗並配仁宗郊天又益以真宗則是以三帝配一上帝矣嘉祐七年因揚旼力諫乃定以太宗配之今南郊又以祖宗並配矣

堂吏不得爲知州

祖宗重堂後官更用士人其敘遷至員外郎者與外任其後多不願出惟求子孫恩澤遂以爲例英宗嘉祐八年中書奏今後願留人雖許供職其諸房提點並須擇才候職事修舉方補如不職與堂除知州蓋

猶以士流之故優之也新法既行增置宰屬而士流不復爲堂後官因是廢削舊制堂後官外任止於通判不得爲知州先是皇祐三年四月詔堂後官無得佩魚若士人選用而至提點五房方許佩魚以示別也今雖非士人選用皆佩之矣

衍聖公襲封

先聖後嗣自先聖封文宣王而襲爵者稱文宣公文宣謚號也謚號非子孫所可襲仁宗至和二年三月用太常博士祖無擇議改爲衍聖公益取襲封之義

婦人冠梳

舊制婦人冠以漆紗爲之而加以飾金銀珠翠采色裝花初無定制仁宗時宮中以白角改造冠并梳冠之長至三尺有等肩者梳至一尺議者以爲妖仁宗亦惡其侈皇祐元年十月詔禁中外不得以角爲冠梳冠廣不得過一尺長不得過四寸梳長不得過四寸終仁宗之世無敢犯者其後侈靡之風盛行冠不特白角又易以魚鮐梳不特白角又易以象牙玳瑁矣

駙馬都尉遷官

國朝武臣正任十年一遷官熙寧八年特詔駙馬都尉七年一遷官仍著于令非獨示優亦所以杜其非理干請也元豐六年二月癸未詔吏部七年磨勘更不取旨

置西京國子監

仁宗景祐元年四月癸酉詔以河南府學爲西京國子監置分司官其後南京北京皆援爲之崇寧四年秋七月丙午朔詔罷三京國子監官各置司業一員

祇京具體而微矣

褒封先賢

皇朝追褒先賢皆有所因仁宗景祐元年九月詔封扁鵲爲神應侯以上疾愈醫者許希有請也徽宗崇寧元年二月封孔鯉泗水侯孔伋沂水侯崇先聖之嗣也六月封伯夷清惠侯叔齊仁惠侯重節義之風也宣和元年五月甲申封列禦寇冲虛觀妙真君莊周微妙元通真君尚虛無之教也然仁宗因醫者之請姑勉從之伯魚子思之封以配享從例封也伯夷

叔齊遜千乘之國豈求身後虛名莊列物外人何羨
真君之號不必封可也

皮場廟

京師試於禮部者皆禱於二相者子游子夏也子游
爲武城宰子夏聘列國不知何以得之名也今行都
試禮部者皆禱于皮場廟皮場卽皮剝也建中靖國
元年六月傳文皮場土地主瘍疾之不治者詔封爲
靈貺侯今廟在萬壽宮之晨華館與貢院爲鄰不知
士人之禱始於何時館因何而置廟也

宮觀優老

王安石創宮觀以處新法之異議者非泛施士大夫
也其後臣以罪出者多差宮觀其初出令也則曰優
老元豐元年二月辛亥詔年六十聽注差宮觀以三
十月爲任無得過兩任其後不拘此令矣

創檢正檢詳

元豐初詔檢正官檢詳官各四員爲額亦同都事銀
事承旨分房掌管其品秩尚卑政和更制品秩甚高
各置一員通掌諸房權任甚重而所以擢用者不同

或出於人主親擢則宰執反憚之所請不敢不從出於宰臣進擬則人主反疑之因是品位不進近世且宰屬樞屬官爲疏窩之號頗恃以自務矣

樞密使罷不草制

樞密使拜罷與宰臣恩數等皇祐五年高若訥爲樞密使政之時仁宗惡其奸邪特令舍人草詞罷以示貶黜其後皆以前宰臣爲之皆帶平章事罷政宣麻如故而自執政拜使者罷政不復宣麻踵若訥故事也

淮南轉運使

淮南轉運使舊有二員皆從楚州明道元年七月甲戌詔徙一員於廬州南渡以後廢江淮發運使而治楚州者移治真州治廬州者移治舒州其後又自舒州移治無爲軍矣

改假版官

太廟齋郎後改爲假將仕郎政和六年十一月詔假版官行於衰亂之世可不循用改假承事郎爲通仕郎假承奉承務郎爲登仕郎改通政郎爲從政郎舊

登仕郎爲修職郎假將士郎去假字見任合改人并帶假人但改政稱呼更不給告勅

增置貼職

舊貼職止於直秘閣直龍圖閣右文殿修撰三等改和六年九月手詔天下人才富盛趨事赴工者衆不足以待多士可增置直徽猷閣直顯謨閣直寶文閣直天章閣秘閣修撰集英殿修撰凡九等中興以後又增敷文煥章華文寶謨寶章五等矣等級旣多遷轉亦易非舊比也今判部判寺判院判監之稱乃官

制未改以前實稱今於加實稱之上可謂重疊昔有判刑部判禮部判兵部判工部惟戶吏二部無之蓋以流內銓三司使易其名矣官名旣正又加以判甚無謂也其他寺監亦然至於登聞檢鼓院進奏院舊稱判政和五年言者謂官制之改稱判者悉除去惟太宗政司以官尊者稱判其次爲知者六院不可復言判也遂詔悉改爲監今之右文殿修撰舊爲集賢殿修撰政和六年四月奉御筆集賢殿舊無此名祕書省殿以右文殿爲名可改爲右文殿修撰

改宣德郎爲宣教

今之宣教郎卽昔之宣德郎政和四年九月詔宣德郎與宣德門名相犯可改爲宣教郎見任人不別給告但改稱呼

端明述古殿學士

政和四年八月詔改端明殿學士爲延康殿學士改樞密直學士爲述古殿學士恩數品秩並依舊中與以後端明復舊而述古與樞密直皆廢矣

武臣改階官

士夫之稱亞於卿而郎官上應列宿又臣以爲階官宜也况其來自古初非創意立名故神宗正官名遠考古制以大夫郎易職事舊稱爲寄祿官若武臣橫行正副使之稱與承制崇班供奉侍禁奉職借職差使借差非名之不正也政和乃悉易以大夫郎之稱此豈被堅執銳馳驟弓馬者之所宜稱乎橫行以十二階易十二階猶之可也正副使各十九階並以八階易之無乃輕褻名器之甚乎昔之超轉猶作九資則是副使四十五年可轉不過四資是減四十五年

爲十年矣祖宗多爲武臣等級責其邊功非有奇功殊勲無因超越故文臣正郎員外各止於三轉而武臣正使副使必各九轉聖君宏模一旦壞於建議之臣使良法美意掃地無遺最甚者稱謂不顧義理所在若文武官名一依元豐之制則人無得而議矣

權侍郎遷除

紹聖二年三月監察御史常安民言乞考祖宗用人之制修立權侍郎遷進法詔三省議之章惇因奏乞自起居郎舍人侍御史帶修撰除者滿三年取旨自七寺卿國子祭酒太常少卿秘書少監直龍圖閣除者滿二年取旨除修撰與外任職事修舉者再留一年取旨除正與外任除待制卽才能爲衆所推績効顯著朝廷特拔擢者不拘此令詔從之且天子侍從之臣非有才能績効而可冒居之乎信如其言殆如銓部注擬常調計資歷歲月者之爲也是時雖出此令卒莫能行章惇之意蓋欲假此令以扼異己之人而不次超越者則曰人主特拔擢也豈不愚哉

殿試更革

慶曆二年富弼乞罷殿試止令尚書禮部奏各次第唱名蓋以廷試惟用詩賦士子多僥幸故也王堯臣梁適皆狀元及第以爲譏已正月辛巳方從弼之請癸未遽從堯臣適之請復舊制

功臣立戟置家廟

慶曆元年十一月郊祀赦文功臣不限品數賜私門立戟文武臣僚許立家廟已賜門戟給官地修建此循唐制也故有兄弟同居而各置門以列戟者想是時必有立戟之人特近代此制不舉無能舉舊事以

言者若家廟則終不能行至皇祐二年十二月甲申朔復頒三品以上家廟之制從宋庠之請也然一時議者欲令立廟之子孫襲其封爵世降一等自國公而至封男凡五世而封爵之卑者僅一二世或又疑襲封公爵惟三恪先聖之後有之此制一衍數世之後必多又子孫或初命卑官不應襲公侯之爵議終不決竟尼不行是不詳考前代之制也君子惜之

禁臣僚陳乞科名

國朝自真宗時法令寔寬臣僚或以恩澤及所轉官

為子孫乞賜科名則召試而授之或乞親屬陞陟注
越差遣自小官即為通判知州其降官降差遣亦
援此陳乞敘復大抵皆公卿大臣牽於人情而不可
拒者積日累月不可數計慶曆四年正月丙戌詔並
禁止不得陳乞

勅書樓

今縣邑門樓皆曰勅書樓淳化二年六月癸未詔曰
近降制勅決遣頗多或有釐革刑名申明制度多所
散失無以講求論報踰期有傷和氣自今州府監縣

應所受詔勅並藏勅書樓咸著于籍受代批書印紙
曆子違者論罪則是勅書樓州縣皆有之也今州郡
不聞有勅書樓矣

四夷述職圖

唐有王會圖皇朝亦有四夷述職圖大中祥符八年
九月直史館張復上言乞纂朝貢諸國衣冠畫其形
狀錄其風俗以備史官廣記從之是時外夷來朝者
惟有高麗西夏注輦占城三佛齊蒙國達靺女真而
已不若唐之盛也

進奏吏補官

國初進奏官循五季舊例假官至御史大夫諸國既平天下一統諸州各置進奏官專達京師多至百數混於皂隸不復齒於衣冠之列真宗大中祥符二年三月戊辰詔諸州進奏官十年以上補三班奉職每遇郊祀敘補五人迄今為例

种放別墅

种放有別墅在終南山聚徒講學性嗜酒種秫自釀林泉之景頗為幽勝真宗聞之欲幸其家而不果成

平六年遣使畫圖以進六月己未召輔臣觀于龍圖閣再三褒美放父翊嘗為吏部令史出官為長安簿放幼好學長以古道自任奉母隱居於終南山之豹林谷自稱退士作退士說數千字又號雲溪醉叟太宗朝屢召不起張齊賢薦其節行可厲風俗真宗復遣中使召之起為左司諫諫議大夫給事中力請還山從祀東封拜工部侍郎終身不娶既卒朝廷錄其姪世雍為同學究出身

禁士大夫避諱

唐人重於避諱國初此風尚在劉溫叟以父名岳終身不聽樂部曲避監臨家諱尤甚太宗雍熙二年六月辛丑詔內外臣僚三代名諱止可行於已州縣長吏不得出家諱新授官職有家諱者除三省御史臺五品文班四品武班三品以上許準勅上言餘不在改請之限然法令明載官稱犯高曾祖父諱冒居者有罪則是與此詔相反也豈非此詔既行之後人無廉耻習以成風故又從而禁之耶

訴水旱立限日

民間訴水旱舊無限制或秋而訴夏旱或冬而訴秋旱往往於收割之後欺罔官吏無從覈實拒之則不可聽之則難信故太宗淳化二年正月丁酉詔荆湖江淮二浙四川嶺南管内州縣訴水旱夏以四月三十日秋以八月三十日爲限自此遂爲定制

嚴奏辟之令

國初州郡官屬皆長吏自行奏辟姓名未聞於朝已先莅職洎至命下則已莅月日皆爲考任大抵皆其宗族親戚也太宗雍熙四年八月乙未詔曰諸處奏

燕翼貽謀錄卷五
薦多是親黨既傷公道徒啓倖門今後如有員闕處
當以狀聞自後奏辟不敢私於親戚或犯此令者人
得而指撻之稍知所畏忌矣

乘驛給銀牌

唐制乘驛者給銀牌五代庶事草創但樞密院給牒
太平興國三年李飛雄偽作牒乘驛謀反禽捕伏誅
六月戊午詔復舊制應乘驛者並給銀牌中興以後
此制不復講矣

燕翼貽謀錄卷五

禁服黑紫

仁宗時有染工自南方來以山礬葉燒灰染紫以爲
黝獻之宦者洎諸王無不愛之乃用爲朝袍乍見者
皆駭觀士大夫雖慕之不敢爲也而婦女有以爲衫
襖者言者亟論之以爲奇衰之服寔不可長至和七
年十月己丑詔嚴爲之禁犯者罪之中興以後駐蹕
南方貴賤皆衣黝紫反以赤紫爲御愛紫亦無敢以
爲衫袍者獨婦人以爲衫襖爾

服紫始末
已見前卷

初立別頭試

真宗時試進士初用糊名法以革容私之弊張士遜以監察御史為巡鋪官因白主司有親戚在進士明口當引試願出以避嫌主司不聽士遜乃自言引去真宗是之遂詔自今舉人與試官有親嫌者移試別頭別試所自此始且以御史為巡鋪決無容私矣易以宦官不知始於何年也

武舉更革

唐設武舉以選將帥五代以來皆以軍卒為將此制

久廢天聖七年以西邊用兵將帥乏人復置武舉至皇祐元年邊事寢息遂廢此科治平元年九月下邛復置迄于今不廢淳熙甲辰距治平百二十載矣仲父軒山公知貢舉武舉林嶠陶天麟等來拜謝仲父問之曰朝廷設此科以擇將帥而公等不從軍何也荅以不堪笞箠之辱仲父因奏孝宗皇帝乞更舊制申飭三衙沿江軍帥待以士禮至淳熙十四年事始施行進士皆願從軍至紹熙庚戌仲父以知樞密院兼參知政事唱進士第復奏光宗皇帝命武舉進士

後軍不許軍帥管辱大罪按奏小罪罰俸此令一出
皆願從軍而軍中無所容之乃自三衙立同正員之
額以至江上諸軍每舉以二十四員為額七年為任
第一名同正將第二名第三名同副將第四名以下
同準備將而第二十五名以下只注巡尉自後軍帥
亦仰承朝廷優卹之意待遇之禮與統領官等或令
其兼同統領職事遇出戰多守令寨必自願親行陣
者始聽之並軍中自統制以下多是假攝或以準備
將而權統制者每於文移公牘書劄榜子削其本職
為寫權職而正遇東班便自居通判之上唯知凶暴
陵駕士大夫一聞鈺鼓之聲則惴惴戰栗士大夫信
其偽銜不復與較故以守闕進勇副尉為統制者往
往而是若於武舉中選願親行陣者使久於其任而
序進之必趨事赴功矣

吏部闕勝

部吏賣闕之弊自昔有之皇祐中趙及判流內銓始
置闕亭凡有州郡申到闕即時榜出以防賣闕立法
非不善也然部吏每遇申到匿而不告今州郡寄居

有丁憂事故數年不申到者亦有申部數年而部中
不曾改正榜示者吏人公然評價長貳郎官爲小官
時皆嘗由之亦不暇問太宗皇帝曰倖門如鼠穴不
可塞也豈不信哉

定宦官員額

國初宦者不過數十人真宗時漸衆益以遇效思任
子皆十數歲小兒積累至多故也皇祐五年閏七月
戊戌言者以爲久弊當革乃詔自供奉官至行門以
百八十員爲額遇闕額方許奉補至元祐二年二月
又詔自供奉官至黃門以百人爲額然流弊之久終
不能革至宣政間動以千數矣

中外官二年爲任

仁宗朝言者以士大夫不安職守惟務奔競乞申嚴
戒勵慶曆八年五月丁卯詔中外官滿二年方許差
替其三年三十月爲任者仍舊此誠良法也中興以
來職事官猶計資考故有須次一兩政者至於三丞
以上至郎官卿監有三四年不遷者故人無苟且之
心近年滿年不遷則爲人指目居其位亦恐懼求去

是不諳祖宗典故爾

廷試不許上請

舊制御試詩賦論上人未免上請於殿陛之下出題
官臨軒答之往復紛紜殊失尊嚴之體景祐元年三
月丙子詔進士題具書史所出御藥院印給之士人
不許上請自後進士各伏其位不敢復至殿庭

臣僚賜謚

國朝待遇士大夫甚厚皆前代所無天聖五年詔臣
僚薨卒當賜謚而木家不陳乞者令有司舉行又兄

弟同在朝者今連狀封贈此推恩泉壤澤及幽冥也

優恤士大夫

九年十二月癸丑詔流內銓選人父母年八十以上
權聽注近官此教人以孝且厚風俗也康定元年六
月壬子詔臣僚之官罷任所過山險去處差軍士防
送無過送迎人之半此閔其道路羈旅恐不得其所
也仁宗施恩於臣下者如此可謂仁矣先是咸平六
年真宗詔命官遷謫嶺南亡歿者並許歸葬官給緡
錢如親屬年幼差牙校部送至其家蓋其人雖犯罪

而其死則可閔威以懲其罪恩以恤其死施於死者猶爾况生者乎施於有罪者猶爾况無罪者乎仁宗可謂能弘家法矣

宗室廩給

宗室年五歲則官爲廩給此祖宗舊法也皇祐二年判太宗正事允讓請自三歲廩給仁宗以太過三月甲辰詔宗室三歲以上官爲給食今又復以五歲爲限矣

西京國子監

西京學校舊爲河南府學景祐元年詔改爲西京國子監以爲優賢之所

親民官監商稅

商稅之任今付之初官小使臣或流外校尉副尉州郡縣令亦鄙賤之曾不思客旅往來鄉民入市動遭竭澤又復營私掩爲已有害民有甚焉者真宗景德二年三月癸未詔商稅三萬貫以上選親民官監給通判添支所以重譏征之寄近時理親民資序爲監當者未之聞也往往以爲浼已不肯褻就矣然朝廷

以場務之寄責之長貳縣令知監當之難於其人也
故康定元年六月壬子詔天下州縣課利場務十分
虧五釐以下知通縣令罰俸一月一分以下兩月二
分降差遺增二分陞陟差遺賞罰不及於監當有深
旨矣

越州裘氏義門旌表

大中祥符四年十二月己未越州言會稽縣民裘承
詢同居十九世家無異爨詔旌表其門閭屈指今二
百三十六年矣其號義門如故也余嘗至其村故聽
事猶在族人雖異居同在一村中世推一人爲長有
事取決則坐於聽事有竹箒亦世相授矣族長欲撻
有罪者則用之歲時會拜同飲成在至今免役不知
十九世而下今又幾世也余嘗思之裘氏力農無爲
士大夫者所以能久聚而不散苟有驟貴超顯之人
則有非族長所能令者况貴賤殊塗炎涼異趣父兄
雖守之子孫亦將變之義者將爲不義矣裘氏雖無
顯者子孫世守其業猶爲大族勝於乍盛乍衰者多
矣天之祐裘氏者豈不厚乎

詞賦依平側用韻

國初進士詞賦押韻不拘平仄次序太平興國三年九月始詔進士律賦平仄次第用韻而考官所出官韻必用四平四仄詞賦自此整齊讀之鏗鏘可聽矣

司天監轉官

司天監官自峯壺正轉保章正靈臺郎直長局丞至冬官正僅五遷爾舊制五年一轉或謂較之武臣洎醫官則太優欲增其等級慶曆五年六月乙卯朔詔自保章正至五官正十年一遷官雖循轉甚遲然比

承信郎轉至武翼郎猶爲優矣

禁以柑遺朝貴

承平時溫州鼎州廣州皆貢柑子尚方多不過千少或百數其後州郡苞苴權要負擔者絡繹又以易腐多其數以備揀擇重爲人害天聖六年四月庚戌詔三州不得以貢餘爲名餉遺近臣犯者有罰然終不能禁也今惟溫有歲貢歲饋鼎廣不復有之矣

改伴飯指揮使名

五季日尋干戈其於軍卒尤先激勵凡軍頭非有戰

功皆號伴飯指揮使皇朝一統邊境無虞伴飯者衆乃詔以處有罪者凡爲此職人皆望而知其犯罪也大中祥符二年二月詔改軍頭伴飯指揮使爲散指揮使然自此人不復以爲耻而激勵之權微矣

并水路發運使

皇朝初下江南置水路陸路發運二使運江南之粟以贍京師其後以陸路不便悉從水路雍熙四年四月己亥詔合水路陸路發運爲一路以王繼昇掌之董儼爲同掌自此迄于宣和不改

進士期集所

國初進士期集以甲次高下率錢刊小錄事遊燕或富而名次卑所出無幾或貧而名次高至於假丐熙寧六年三月庚申詔賜進士及第錢三千緡諸科七百緡爲期集費一時歆豔以爲盛事次舉熙寧九年三月戊寅練亨甫奏罷期集錢止賜錢造小錄及第五百千諸科二百千而遊燕之費復率錢爲之至元祐三年三月甲戌詔復增進士錢百萬酒五百壺爲期集費相仍至今定爲千七百緡而局中凡所率錢

皆以小錄為名而同年得與燕集者無幾又為職事者日叨飲食所得小錄題名紙札裝演皆精緻不費一金其不與職事者出錢而所得絕不佳不沾孟勺

三行 無乃其也

東南駐劄十三將

元豐四年二月乙卯詔東南團練諸軍為十三將蓋太祖皇帝初下江南慮人心未一分禁旅以戌之歲月寢久與州郡之兵無別故也淮東第一淮西第二浙西第三浙東第四江東第五江西第六湖北第七

湖南第八全部永第九準備廣州應援福建第十廩

東第十一桂州本靜江府第十二邕州第十三廩給特厚

與禁衛比若江上諸軍乃諸郡兵額因勤王入援失其土地故以駐劄名之其廩給與將兵不同况州郡之兵乎

出賣僧道度牒

僧道度牒每歲試補刊印板用紙摹印新法既行獻義者立價出賣每牒一紙為價百三十千然猶歲立為定額不得過數熙寧元年七月始出賣於民間初

歲不過三四千人至元豐六年限以萬數而夔州轉
運司增價至三百千以次減爲百九十千建中靖國
元年增至二百二十千大觀四年歲賣三萬餘紙新
舊積壓民間折價至九十千朝廷病其濫住賣三年
仍追在京民間者毀抹諸路民間聞之一時爭折價
急售至二十千一紙而富家停榻漸增至百餘貫有
司以聞遂詔已降度牒量增價直別給公據以俟書
填六年又詔改用綾紙依將仕郎校尉例宣和七年
以大下僧道踰百萬數遂詔住給五年繼更兵火廢
格不行南渡以後再立新法度牒自六十千增至百
千淳熙初增至二百千又增爲五百千又增爲七百
千然朝廷謹重愛惜不輕出賣往往持錢入行都多
方經營而後得之後又著爲停榻之令許容人增百
千與販又增作八百千近歲給降轉多州郡至減價
以求售矣

放官司房錢

至和元年二月乙未因大雨雪詔天下長吏詳酌公
私房錢與放三日非遇大雨雪不許蠲放仍每歲不

得過三次是時天下承平百餘年矣仁宗皇帝疑神
穆清而念慮及於細微真聖主也

太學辟廡

國初凡事草創學校教養未甚加意皇祐三年七月
壬子詔太學生舊制二百人如不足止百人爲限其
簡如此元豐二年十二月乙巳神宗始命畢仲衍蔡
京范鏜張瑛詳定於太學朔八十齋三十人爲額通
計二千四百人內上舍生百人內舍生三百人外舍
生二千人崇寧元年徽宗初立辟廡增生徒共三千
八百人內上舍生二百人內舍生六百人教養於太
學外舍生三千人教養于辟廡廢太學自訟齋太學
之不率教者移之辟廡以祭酒總治兩學辟廡別置
司業丞各一人博士十人正錄各五人分爲百齋講
堂凡四所其後王黼反蔡京之政奏廢之而辟廡之
士太學無所容矣

諸路帥臣

自江南旣平兩浙福建納土之後諸州直隸京師無
復藩府惟河北河東陝西以捍禦西北二虜帥臣之

權特重其他諸路責任監司按察而已嘉祐四年五月丁巳始詔楊廬江寧淇潭越福七路兼本路軍馬鈐轄各置禁軍駐泊三指揮越福二指揮以威果爲額每指揮四百人各路兵馬都監二員越福一員其後二廣經略京東西路安撫江東西路安撫皆因事令守臣兼領而加以鈐轄之名以至兩浙四川皆以調發之故後又改鈐轄爲總管而四川至今仍舊名開端於嘉祐之時而定制於中興之後然帥臣大抵權輕當緩急之時罕能成功承平無事惟事教閱而已矧自勤王諸將分爲駐劄州郡之額闕不復補名存實亡然人存政舉苟擇人而用之仍委以久任庶幾緩急有所恃也

殿試士人不黜落

舊制殿試皆有黜落臨時取旨或三人取一或二人取一或三人取二故有累經省試取中屢擯棄於殿試者故張元以積忿降元昊大爲中國之患朝廷始因其家屬未幾復縱之於是羣臣建議歸咎於殿試黜落嘉祐二年三月辛巳詔進士與殿試者皆不黜

燕冀財賦錄卷五
落迄今不改是一叛逆之賊子爲天下後世士子無窮之利也

選人改官

通判舉人改官與太守同自提舉常平使者列于監司諸路頓增員數熙寧元年十二月始詔通判不得舉人改京官元豐初詔改官人五日引一甲一甲三人歲以百四十人爲額至元祐元年四月罷諸路提舉常平再命通判歲終舉改官一人或縣令一人間舉十二月以改官員多吏部侍郎孫覺請歲以百人

爲額從之紹聖三年吏部乞以每甲五人引見不拘數則是歲有三百餘員也中興以來改官人數絕少歲不過數十人雖令選人舉官逐員放散數亦不增至紹熙初號爲頓增一僅三十餘員慶元以後歲有溢額蓋孤寒路絕得舉官五員俱足而不得者多不破白勢使然也

進納人改官

納粟補官始以拯饑後以募民實粟于邊自王安石開邊國用不足而致粟于邊頗艱應募者寡元祐二

年八月詔進納人許其改官歷四任十考增舉主二員職司二常員五自此人樂於應募此法雖明未聞有改秩者或謂中興以後有一人官至太守忘其姓名

舉縣令

舊制監司太守舉京官有定數縣令初不限員數皇祐二年五月庚午京西提點刑獄張易舉十六人縣令乃詔河北陝西漕舉十二員憲六員河東京東西淮南漕十員憲五員兩浙江東西福建湖南北廣東西益利梓路漕憲各四員夔路漕四員憲二員六路制置發運使副六員開封府諸州軍各一員然立法之初舉縣令有出身三考無出身四考有舉主二人移注近縣令任滿無贓私升幕職再任知縣再任滿引對改京官則是受舉之後歷知縣兩任六考改官此天聖七年閏二月甲辰詔書也至熙寧四年詔再任知縣縣令人須有安撫轉運提刑知州通判奏舉五員方許再任內有職司二人者亦聽此乃就任改官也政和間又以州縣增官員復增舉員中興以來

一循前例然亦時有增損

特恩轉官不隔磨勘

舊制特遷官者其理磨勘並自受告日爲始故有垂當磨勘忽拜特恩前功俱廢熙寧六年八月丙申詔文武臣僚特遷官者不隔磨勘施恩甚均人蒙實惠至今仍之

入遞發書

景祐三年五月詔中外僚許以家書附遞明告中外下進奏院依應施行蓋臣子遠宦孰無墳墓宗族親戚之念其能專人馳書必達官貴人而後可此制一頒則小官下位受賜者多今所在士大夫私書多人遞者循舊制也

經義詞賦兩科

國朝因唐制取士只用詞賦其解釋諸經者名曰明經不得與進士齒王安石罷去詞賦惟以經義取士元祐元年十一月立經義詞賦兩科用侍御史劉摯之言也

致仕推恩

國初致仕以旌表士大夫之恬退者非如後世已成
僞爲之也真宗時主客郎中謝泌言致仕官如清名
爲衆所推粗有勞効方可聽其納祿咸平五年五月
丙戌詔年七十退者許致仕如因疾或歷任有贓犯
者不在此限大中祥符九年正月詔乞致仕者審官
院具歷任有無贓犯檢勘吏部申上取旨仁宗天聖
四年始詔郎中以上致仕與一子官明道元年二月
甲子又詔員外郎以上致仕者錄其子爲祕書省校
書郎三丞以上爲太廟齋郎二年正月庚寅又詔三

丞以上致仕無子聽官嫡孫若弟姪一人降一等凡
此者皆以利誘之也景祐三年六月甲戌侍御史司
馬池上言文武官年七十令自陳致仕依舊勅與一
子官如分司給全俸違者御史臺糾察特令致仕更
不與子官及全俸詔榜朝堂皇祐三年二月戊子又
詔文武官年老無子孫奏其親一人至和元年十二
月庚子又詔文武官年七十以上未致仕更不考課
遷官有功於國有惠於民勿拘嘉祐三年十二月辛
未又詔年七十居官犯事未致仕更不推恩子孫凡

此者皆以法繩之也慶曆二年六月壬申朔御史中丞賈昌朝上言臣僚年七十筋力衰者優與改官致仕詔從之此以賞勸之也况法初行須受命之後陳乞恩澤病者尚不許豈容已死僞爲其後又限以受命後身故者方許陳乞恩澤後又但以陳乞後身故者放行而詐僞者公行不忌矣今士大夫解官持服批書丁憂月日或與其父致仕月日自相牴牾有司未嘗詰也至徽宗朝始放行員外致仕恩澤政和二年張克公乞依武官副使非降黜中身亡者聽蔭補從之詳考前後詔令肇端於真宗之朝而詳密於仁宗之朝待之甚厚防之甚嚴責之甚備然上勞聖訓丁寧至於六七而不已亦可見風俗之日趨於薄而士大夫能守知足之戒者鮮矣

置朝集院

真宗以朝官注擬于堂貧者留滯逆旅無以爲資乃置朝集院于朱雀門外此咸平四年四月癸丑詔也院既成詔陞朝官以上到闕並館于院中官給公券出入則乘馬開封府差兵士隨直惟可至廟堂省部

銓曹官廳而已雖欲出入市廛不可得也故陞朝官
以上造朝則先匿於親戚故舊之家俟所幹置悉備
方敢報閤門放見蓋閤門卽日關報朝集院開封府
人馬卽至迎入院中雖不可出入而同院中士大夫
日夕遊從情如兄弟或商榷文字或彼此詢問風土
或因而結交互相推薦其况未與栖栖逆旅者大不
侔矣景祐二年十月辛亥詔復增置以士大夫之來
者日多故也

京官不得擬知州通判

國初擢用人才不問資序有初補京官便除知州或
差通判旣不知仕塗之艱苦小官徃徃遭其慢視又
且未歷民事不諳民間疾苦淳化四年十月庚午蘇
易簡上言初任京官未歷州縣不得擬知州通判詔
從之然惟施之常調爾若人主特除則又不在此例
呂公弼年十九以水部員外郎卽知廬州正如易簡
所論不以改制而止也

玉堂逢辰錄

宋 錢惟演

營王宮火

大中祥符八年四月二十三日夜營王宮火時大風
 東北來五更後火益盛予起登樓觀之知是禁中通
 夕不寐東宮六位一時蕩盡宮人多走上東華門樓
 有出不及者死百餘人東宮六位東行第一雍王第
 二相王第三南陽郡王西行第一堯王第二曹王第
 三榮王西即連御厨密迎上臺二十四日左掖門東

華門並不開朝者皆趨右掖門天明宰臣等並立於
內東門廊廡之下旣而火至承天門西燒儀鸞司復
燒朝元殿後閣門長春殿南廊拆西北主廊以絕火
勢火遂南燒內藏庫香藥庫又東迴燒左藏庫又西
燒閤閣史館午時燒乾元門東角樓西至朝堂救之
而止未時火出宮連燒中書省門下省鼓司審宮院
是夕燒屋舍計二千餘間救焚而死者千五百人火
至夜不絕宰臣樞密兩制是夕並宿禁中是時救左
藏庫人尤衆輦出金銀帛疋莫知其數積於城墻之
上及燒角樓風忽迴東北又燒之烟焰燄天救者不
能措手初燒長春殿南廊火自屋內西行忽隔十餘
間而發人皆奔走避之所存惟大內及中書樞密院
以西而已二王時無居處寓于東華門樓夕上召入
禁中明日出居於上源驛時焚諸庫香聞十餘里祕
閣三館圖籍一時俱盡又火風中有飄書籍至汴水
南者中夕風定火亦止二十五日詔知各王與中使
閻文慶岑守素勘遺火之蹤中人說二十四日欲明
火勢漸東來遂拆御厨主廊數百人登屋運水時望

見宮人相壓死於煨燼中甚衆猶有手足能動者曹
王夫人將投火中救之獲免宮人入火者不知其數
禁中大樹焚之逮盡所餘者亦焦枯焉惟相王宮在
東入自西北起四王更破東墻自卒宿衛者運府庫
等物出之十得七八矣五月三日榮王落遂州節度
使降封端王

先領梓遂
二川也

其日勘得掌茶酒宮人韓小

姐稱與親事官孟貴私通多竊寶器以遺之後事泄
王乳母決貴之小姐乃謀放火因而奔出有琵琶伎
人王木賽者知之受小姐金而不言二十三夜於佛

堂前簾上乘炬爇之因風火遂大作九年正月二十
八日先於閣門賜食久之召宰臣親王承郎給諫入
玉宸殿賜宴其日初入苑東門至西南行至一門百
餘步有小亭上坐亭中見訖穿假山中南行至大茶
蘼架下賜坐皆石床上面南侍臣西分列架下有水
分流渡於坐石之側賜酒三行又南登小山又有小
亭前上山直至一閣其上藏太宗御書及史籍并製
御文字命侍臣更讀之乃南通小樓東有閣道上設
繒細書五臣論等皆列於壁自閣道下瞰皆是梨花

來路如小標枝排于闌檻間又北行皆在山上山徑中設茶具御坐北卽有御製自誠箴紫牡丹歌風琴詩千葉牡丹詩等繪甚細却南行至翔鸞閣小宴賦詩畢便至流杯亭下籍以方褥流水周繞御杯載之以龍首小舟泛泛而至其次每一杯皆舟中一仙人執之而來又有水嬉千百其狀龍魚皆相隨流泛其饌亦用小舟一胡人捧盤來來問徧乃止酒數行乃登象瀛山峯巒峻拔其上珍木異花聚萃相映山北坵有響石上製響銘在烏山下亭中有石水臺水中朱書誠酒銘又諸石筍石壁之上皆朱書御詩至此徧觀賜茶而出憇于屋次少頃又召入復穿一石橋跨小池之上覆以茶蘼架此處又有大橋交蔭花卉十品遂上玉宸殿遍觀東一室中有碑文又東有石紀未暇讀乃宣侍坐命酒於殿內七杯而罷其日惟黃門小樂二十餘人行酒者皆中使也閣門使教坊並不預焉益深巖之地非人間矣乃出侍臣皆醉焉

宜春傳信錄

宋 羅誘

彭伉唐徵士構雲之孫也伉妻卽湛賁之姨伉舉進士及第湛猶爲縣吏妻旋爲置賀宴皆官人名流伉居客右一坐盡傾湛至命飯于後閣湛無難色其妻忿然責之曰男子不能自勵窘辱如此復何爲哉湛感其言孜孜學業未數歲一舉登第伉常侮之伉方跨長耳縱遊郊郭忽有僮馳報湛卽及第伉失聲而墜故友人謔曰湛卽登第彭伉落驢今落驢橋卽其

地也

盧肇字子發唐人也開成中就江西解爲試官未錄肇有啓事謝曰臣鼇鼉首冠蓬山試官謂之曰昨限以人數擠排雖獲伸展深慚名第奉啓焉得首冠蓬山之謂肇曰必知明公垂問大凡頑石在上巨鼇戴之豈非首冠邪一坐聞之大咲至京師先達或問所來啓曰某袁民也或曰袁將出舉人邪肇曰袁州出舉人亦由沅江出鼈九肋者稀矣會昌三年肇爲狀頭及第

何朝宗萍鄉人年十八到殿前太祖曰此人未有髭鬚恐未老成不宜與第且令讀書至太祖末年朝宗始登第

屯田郎中李公衢明道中通判筠州爲性寬慈不擾民有婦人輸官絹以兩段縫合爲一疋吏執詣公公詢其故婦人曰官中催科限逼而夫逃竄貧無所出是以此公惻然良久遣其婦人去給主吏曰封絹於庫內俟支春衣下官自要他前官受秋租而吏恣取無藝公知之逐日入倉監視吏無所措其手筠人

爲之語曰輸租不使錢賴有李屯田每出則人呼曰李佛子來矣

朝議大夫李觀字夢符史傳諸書一過目卽成誦文章如唐元次山登第歷官知虔州不就請監衡州南嶽廟以歸建玉溪洞洞中有抱一堂水仙亭有梅所曰香雪塢有衆花處曰繡錦谷貯書史處曰文藪終日醉吟於溪上於世味淡如也公排斥佛老釋教至老不衰鄉人常請公作崇勝院佛殿記中間曰天子愛民澤至渥也使供租稅若有難色至奉異方之教則倒廩竭囊忻然無辭施者頗多其後多寶佛塔成有欲求記於公者公於是又曰今之人父母甘旨之養往往未能銖銹惟惑報應捨萬金唾如也衆益慚故二文至今不果刻石

彭則爲巨賈置產甚厚喜儒學爲其子延接師友不問其費常以羨餘買國子監書兩本一本藏于家一本納于州學郡從事楊辨爲之記中間目則爲販夫子孫恥之太常少卿徐師閔知州見其人其文歎曰此善事也尚不能掩販夫之目它日人其誰肯爲善

乎於是畧竄易首尾而去販夫字命其從事余衷名其記則之子孫始以爲榮焉

洛陽搢紳舊聞記

宋 張齊賢

余未應舉前數十年中多與洛城搢紳舊老善爲余說及唐梁已還五代間事使人終日聽之忘倦無暇著述邇來營丘事有條貫終朝宴坐無所用心追思所見聞得二十余事因編次之分爲五卷命之曰洛陽搢紳舊聞記宋朝乙巳歲夏六月營丘自序

梁祖之初兼四鎮也英烈剛狠視之若乳虎左右小

海陽舊聞記
忤其旨立殺之梁之職史每日先與家人辭訣而入
歸必相賀賓客對之不寒而慄進士杜荀鶴以所業
投之且乞一見掌客以事聞於梁祖默無所報荀鶴
住大梁數月先是凡有求謁梁祖如已通姓名而不
得見者雖踰年困躓於逆旅中寒餓殊甚王者留之
不令私去不爾卽公人輩及禍矣荀鶴逐日詣客次
一日梁祖在便廳謂左右曰杜荀鶴何在左右以見
在客次爲對未見間有馳騎者至梁祖見之至巳午
間方退梁祖遽起歸宅荀鶴謂掌客曰某飢甚告欲

歸公人輩爲設食且曰乞命若大王出要見秀才言
已歸館舍卽某等求死不暇至未申間梁祖果出復
坐於便廳令取盆骰子來旣至梁祖擲數十擲意似
有所卜擲且久終不愜旨怒甚屢顧左右怖懼縮頸
重足若蹈湯火須臾梁祖取骰子在手大呼曰杜荀
鶴遂擲之視之六隻俱赤乃連聲命屈秀才荀鶴爲
主客者引入令趨驟至階陛下梁祖言曰秀才不合
趨階荀鶴聲喑恐懼流汗在背叙謝訖命坐荀鶴慘
悴戰慄神不主體梁祖徐曰知秀才久矣荀鶴欲降

階拜謝梁祖曰不可於是再拜復坐梁祖顧視階下
謂左右曰似有雨點下令視之實雨也然仰首視之
天無片雲雨點甚大霑階簷有聲梁祖自起熟視之
復坐謂杜曰秀才曾見無雲而雨否荀鶴荅言未曾
見梁祖笑曰昔所謂無雲而雨謂之天泣不知是何
祥也又大笑命左右將帑筆來請秀才題一篇無雲
雨詩杜始對梁祖坐身如在煤炭之上憂悸殊甚復
令賦詩不敢辭立成一絕獻之梁祖覽之大喜立召
賓席共飲極歡而散且曰來日特爲秀才開一筵復

拜謝而退杜絕句云同是乾坤事不同雨絲飛洒日
輪中若教陰朗都相似爭表梁王造化功由是大獲
見賞杜既歸驚惶成疾水瀉數十度氣貌羸絕幾不
能起客司守之供侍湯藥若事慈父母明晨再有主
客者督之且曰大王欲見秀才請速上馬不獲已巾
櫛上馬比至凡促召者五七輩杜困頓無力趨進遲
緩梁祖自起大聲曰杜秀才爭表梁王造化功杜頓
忘其病趨走如飛連拜叙謝數四自是梁祖特設帳
賓館賜之衣服錢物待之甚厚福建人徐寅卞第獻

過梁郊賦梁祖覽而器重之且曰古人酬文士有一
 字千金之語軍督費用且多今一字奉絹一疋留于
 賓館厚禮待之梁祖既有移淵之志求賓席直言骨
 鯁之士一日忽出大梁門外數十里憇于高柳樹下
 樹可數圍柯榦甚大可比五六十人游客亦侍坐梁
 祖獨語曰好大柳樹徐徧視賓客注目久之坐客各
 各避席對曰好柳樹梁祖又曰此好柳樹好作車頭
 末坐五六人起對曰好作車頭梁祖顧恭翔等起對
 曰雖好柳樹作車頭須是夾榆樹梁祖勃聲言曰這
 一對措大愛順口弄人柳樹豈可作車頭須是夾榆
 木便順我也道柳好作車頭我見人說秦時指鹿為
 馬有甚難事顧左右曰更待甚須臾健兒五七十人
 悉擒言柳樹好作車頭者數以諛佞之罪當尚撲殺
 之梁祖雖起於群盜安忍雄猜甚于古昔至于剛猛
 英斷以雄數御物遂成興王之業豈偶然哉

太子少師李公講肅國史有傳唐末西京留守齊王
 張全義貴盛兼鎮河陽李公自雍之梁齊王見之愛
 其俊異以女娶之即賢懿夫人所生王之適女也數

歲而亡又以宅姬所生之女妻之雖非賢懿所出以其聰敏多伎藝王與賢懿惜憐之過於其姊音樂女工無不臻妙知書容止迨神仙中人也性賢明有禮節自幼至老無惰容夫貴封清河郡夫人治家甚嚴大畜姬僕且衆與夫別院李公院姬妾數十人夫人亦數十人潛令伺夫院中如姬妾稍忤夫指顧則召而撻之擇美少者待之每夫生日必先畜童女曉音律者盛飾珠翠綺綉因捧觴祝壽并服玩物同獻之夫或辭以婢妾衆多卽復擇其常者歸已院執事稍久者嫁之夫入朝將歸具裙帔候之於中堂之前側令小倉頭探之旣接見如賓禮夫若困倦一見便退歸如相見稍從容令動樂迎引歸夫入院備酒菓時新物多語及前代事夫愛而憚之未嘗敢失色于前李公嘗將命制置安邑解縣兩池鹽利旣至值戍卒竊發爲亂公乘機許以正庫錢十萬貫爲賞止罪其元惡者亂兵由是散去戮其同惡者數十人人心頓安當時用事者一人素與公通家求洛中一櫻桃園不與因而有隙常欲中傷之因是密上言曰李某禮

興盜用官庫物以買名欲求不次之賞於是乃命臺官就鞠之獄甚急垂餌虎口爾夫人聞之乘步輦直詣朝門俟執權者出趨并於路側須臾叩馬聲甚厲且訴且泣援引今古寵辱禍福成敗可驗者數事哀怨淒苦左右聞者感動之時當路者慚悔甚卽回馬入朝非時請對曲爲諭雪之且言有妻張氏卽齊王之女詣臣馬前號訴時王聞之駭愕曰如是賢婦人乎卽命馳驛出之李公由是免禍至晉朝北戎降王東丹王非命而死虜已知之李公受命護東丹喪柩

歸北虜旣歸私第憂沮不知其計止於外廳獨坐久之夫人訝夫如是命侍人請之旣入夫人謂李公曰有不稱意差使乎夫默然泣下曰某已老男女又小又涕泣哽噎未及再言夫人曰得無使絕域乎若然不當效兒女輩啼泣耶李公收泣曰今奉命北使送東丹喪東丹朝廷密害之北戎已知矣某不憚遠役念此去必不還矣夫人曰不然爲君計者戎虜貪利其房內珠金等可得數十萬盡以送行厚賂其戎王左右及獻虜主萬全必歸非惟速歸兼恐厚得回禮

李公如其言到蕃國賂其左右盡其所有爲私禮者戎虜君臣果大喜命速遣公回賜名馬百餘疋別賜駝馬百餘頭衣服器皿稱是復命不敢留悉進之由是遷官賜賚甚厚夫人之力也先是趙思綰在永興時使王赴款思綰主藍田副鎮有罪已發李公時爲環衛將兼雍耀三白渠使雍耀莊宅使節度副使權軍府事護而脫之來謝於李公公歸宅夫人詰之曰趙思綰庸賤人公何以免其過旣來謝又何必見之乎曰某比不言夫人問須言之思綰者雖賤類審觀

其狀貌真亂臣賊子恨位下未有朕跡不然除去之可也夫人曰旣不能除去何妨以小惠啖之無使啣怨自後夫人密遣人令思綰之妻來叅夫人厚以衣物賜之前後與錢物甚多及漢朝公以上將軍告老歸雍未久思綰過雍遂閉門據雍城叛衣冠之族遭塗炭者衆公全家免禍終以計勸思綰納款遂拔雍城周祖素知公名與之歸叛改官致仕於洛亦夫人之力也且婦人之恡財與妒忌悉常態也以不妒忌疎財者難事况非治世叩馬面數權貴惟陳古昔陪

害良善禍不旋踵而報應之驗雖大丈夫負膽氣輕生者亦憚爲之况婦人女子者歟不獨雪夫罪而能免全家之禍則昔之舉案齊眉如賓者何人哉不其賢乎與夫飾粉黛弄眉首蠱惑其夫竊魚軒之貴者豈同日而道哉夫人事跡可爲女訓母儀者甚多余聊舉其殊尤者紀之於篇俾其令名千載之後不磨耳

衡陽周令失其名蜀川人喪妻再娶亦蜀川人後妻携三女俱長矣周撫之如已女後妻兇妒周舊畜數婢內二人妊娠後妻加以它事鞭撻之無虛日二婢各爲懷妊常以背或臂腿受其挺妻多方用杖觸其腹欲其不全二婢竟以鞭箠墮胎而死時余任衡州通倅間常不平之及余罷歸周氏之家久無所聞後有士人與周舊話及之周之後妻旣殺二婢其後三女相次適人因權寓衡陽不四五年其三女俱因產而死每一女死妻必飯僧悔過爲先鞭撻墮胎死者二婢看經自禮梁武懺三女俱以產死未死間必旬日號呼痛楚宛轉而後終妻涕泣憂惱而得疾女亡

後歲余亦死吁書所謂天網恢恢疎而不漏佛經報應何昭昭之若是乎俾妒悍不令之婦聞之增懼亦勸誠之道有關於世教云

張相諱從恩國號訪其姓氏未獲河東人有容色惠黠多伎藝十四五時失身於軍校為側室洎軍校替歸洛下與之偕來至上黨得病因昇之而進至北小紀地名厥病且甚湯飲不能下自辰至酉痢百餘度形骸骨立臭穢狼藉不可嚮軍校厭之遂棄之道周而去不食者數日行路為之傷嗟道傍有一土龕可容

數人蓋樵童牧豎避風雨之處也所過客閱之眾為昇至於土窟中又數日痢漸愈衣服悉為暴客所褫但以敗席亂草蔽形而已漸行至店日求丐飲食夜即宿逆旅簷下一旦有老嫗謂曰觀爾非求乞者也即携之而往我乞處非遠可三百許步即携之而往媪為洗沐衣以故衣日進粥飲蔬飯而已不數月平復如故顏狀艷麗迨神仙中人也忽有士子過小紀知之求見贈媪綵絹五十疋載之而去偕往襄陽僦居會襄帥安大王從進叛左右殺士子納其妻從進

敗為亂兵所得送至都監張相寨張即從恩也張相
 共獲婦女凡十餘人獨寵待士子之妻為繼室深厚
 數歲張之正室亡遂以為繼室後封郡夫人及為中
 饋也善治家尤嚴整動有禮法及張家使相進封大
 國夫人壽終於洛陽第中吁婦人女子何先困而後
 遇險阻艱難備嘗之矣前有失身求丐之厄終享富
 貴大國之封則古之賢人君子當未遇也則風雨塵
 蒙菜色有呼天求死而不能一旦建功業會雲龍爵
 位通顯恩寵稠疊功業書之史冊令名播之不朽者

何可勝數哉因書之以知婦人微賤者豈可輕易之
 乎况有文武才幹困布衣及下位者歟

萬州白太保名廷誨即致政中令諱文珂之長子也

任莊宅使時權五司兼水北巡檢

五司者莊宅城隍內園洛苑宮苑也

平蜀有功就除萬州刺史代歸歿於荆南白性好竒
 重道士之術從兄廷讓為親事都將不履行檢屢游
 行於鄜市中忽有客謂廷讓曰劍客嘗聞之乎曰聞
 曾見之乎曰未嘗見客曰見在通利坊逆旅中呼為
 處士即劍客也可同往見之廷讓如其言明日同至

洛陽耆舊記
逆旅中見五六人席地環坐中有一人深目豐眉紫色黑黃鬚廷讓拜黃鬚據然受徐曰誰氏子至此客曰白令姪與某同來專候起居處士黃鬚笑曰公爾同來可坐共飲須臾將一木盆至取酒數餅滿其盆各置一磁碗在面前昇一按驢肉置其側中一人鼓刀切肉作爲大腐用酌酒於碗中每人前設一噐肉廷讓視之有難色黃須者一舉而盡數輩亦然俱引手取肉啖之顧廷讓揚眉攝目若怒色廷讓強飲半碗許咀嚼少肉而已酒食罷散去廷讓熟視皆狗屠

角觝輩廷讓與同來客獨欵曲客語黃鬚者曰白公志士也處士幸勿形跡黃鬚於牀上席下取一短劍引出匣以手簌弄訖以指彈劍錚然有聲廷讓覩之意謂劍客爾復起再三拜之曰幸睹處士它日終願乞爲弟子黃鬚曰此劍凡殺五七十人皆恡財輕侮人者取首級煮食之味美如猪羊頭爾廷讓聞之若芒刺滿身恐悚而退歸以其事咨於弟廷誨貴家子聞異人竒士索所好尚且曰某如何得一見之可謀於客遂告之客曰但備酒饌俟之明日辰巳間客果

與俱來白兄弟迎接之延入白俱設拜黃須據受之
飲食訖謂白曰君家有好劍否對曰有因取數十口
置於前黃須一一閱之曰皆凡鍔也廷讓曰某房中
有兩口劍試取觀之黃須置一於地亦曰凡鍔爾再
取一觀之曰此可令取火筋至引劍斷之兩無傷缺
以手揮擲若舞劍狀久之告去廷誨奇而留之黃須
大率少語但應唯而已一日謂廷讓曰於爾弟處借
銀十錠皮篋一具好馬一匹捷僕二人暫至華陽回
日銀馬却奉還白兄潛思之欲不與聞其多殺恠財

者欲與慮其不返黃須果怒告去不可留白弟遜謝
之曰銀馬小事爾却是人力恐不中意處士指顧悉
依借與之不辭上馬而去數日一僕至曰處士至
壕怒行遲遣回又旬日一僕至曰到陝州處士怒遣
回白之兄弟謂是劍客不敢竊議恐知而及禍踰年
不至有賈客乘所借馬門者白詰之曰於華州買之
契券分明賣馬姓名易之矣方知其詐三數年後有
入陝者見之蓋素善鍛者也大凡平常厚貌深裏未
易輕信黃須假劍術以威人宜乎白之可欺也書之

洛陽耆聞記
者亦鑄鼎備物之象使人入山林逢之不惑爾斯亦
自古欺詐之尤者也君子覽之抑鑄劍之類也戒之

小說舊聞記

唐 柳公權

元相國之鎮江夏也嘗秋登黃鶴樓望沅江之湄有
光若殘星焉乃令親信往覘之遂棹小舟直至光所
乃釣船中也詢彼漁者漁者云適獲一鯉光則無之
親信乃携鯉而來既登樓公命庖人剖之腹中得古
鏡二如古錢大一面相合背則隱起雙龍雖小而鱗
鬣爪角悉具既摩瑩後遂常有光輝公寶之置納巾
箱中及相國薨亦亡去光啓丁未歲于鄴下與河南

元恕愚恩話焉

外王父中書令晉國公宣宗朝在啓黃閣也不協比於權貴惟以公諒宰大政四方凡諸所礙於德刑者必固爭不允由是征鎮忌焉而志尚典籍雖門施行馬庭列鳧鍾而尋繹未嘗倦於永寧里第別構書齋每退朝獨處其中愉愉如也大中因請辰前假寤入齋惟所愛卑脚大花鴨從旣啓扉而花鴨連啣公衣却行叱去復至旣入閣花鴨仰視犬轉急公亦疑之乃於匣中拔千金劔按於膝上向空祝之曰若有異

類陰陽物可出相示吾乃大丈夫豈懾於若而相迫邪言訖倏有物梁上墜地乃人也朱髮衣短褐衣色貌黝瘦頓首連拜惟曰死罪公止之且詢其來及姓名對曰李龜壽盧龍塞人也或有厚賂龜壽令不利於公龜壽上感鈞化復爲花鴨所驚形不能匿令公若責龜壽萬死罪願以舍生服事台鼎公曰待汝以不死東遂命元從却押衙傳存隸之明日詰旦有婦人至第門服裝單急曳履而抱持襁嬰請于閣曰串爲吁李龜壽出乃其妾且曰訝聲稍遲昨夜半自前

小說舊聞言
來相見耳遂與龜壽如初及公薨龜壽盡室亡去著作舅氏昔年於語鼎臣兄弟余不敢隆盛列故于一日之三水曰夫積仁可以經邦家厚德可以質幽顯音文云天縱弘度岳生炳靈文則振起國風武則式遏戎醜故得光輔王室至於雍熙實中興賢相也龜壽瓌隸尚服義風九土蒼生固受恩宥之賜矣

秘書省內有落星石薛少保畫鶴賀監草書郎餘慶畫鳳相傳號爲四絕元和中韓公武爲秘書監挾彈中一鶴之眼時謂之五絕又省之東卽義威衛荒穢摧毀其大廳逼校正院南對御史臺有人嘲之曰門緣御史塞廊被校書侵

廣陵妖亂志

唐 鄭廷誨

廣陵妖亂志

高駢末年惑于神仙之說呂用之張守一諸葛殷等皆言能役使鬼神變化黃白駢酷信之遂委以政事用之等援引朋黨恣為不法其後亦慮多言者有所漏洩因謂駢曰高真上聖要降非難所患者學道之人真氣稍虧靈貺遂絕駢聞之以為信然乃謝絕人事屏弃妾媵賓客將吏無復見之有不得已之故則遣人洗浴齋戒詣紫極宮道士辟除不祥謂之解穢

然後見之拜起纔終已復引出自此內外擁隔紀綱
日紊用之等因大行威福旁若無人歲月既深根蒂
遂固用之自謂礪溪真君張守一是赤松子諸葛殷
稱將軍有一蕭勝者謂之秦穆公駙馬皆云上仙遣
來爲令公道侶其鄙誕不經率皆如此江陽縣前一
地祇小廟用之貧賤時常與妻寓止巫舍凡所動靜
禱而後行及得志謂爲冥助遂修崇之迴廊曲室粧
樓寢殿百有餘間土木工飾盡江南之選每軍旅大
事則以少牢祀之用之守一皆云神遇駢凡有密請

卽遣二人致意焉中和元年用之以神仙好樓居請
於公廨邸北跨河爲迎仙樓其斤斧之聲晝夜不絕
費數萬緡半歲方就自成至敗竟不一遊肩鏹儼然
以至灰燼是冬又起延和閣於大廳之西凡七間高
八丈皆飾以珠玉綺窓繡戶始非人工每旦焚名香
列異寶以祈王母之降及師鐸亂人有登之者於藻
井垂蓮之上見二十八字云延和高閣上千雲小語
猶疑太乙聞燒盡降真無一事開門迎得畢將軍此
近詩妖也用之公然云與上仙來往每對駢或叱咄

風雲顧揖空中謂見羣仙來往過於外駢隨而拜之
用之指畫紛紜畧無媿色左右稍有異論則死不旋
踵矣見者莫測其由但搏膺不敢出口用之忽云后
土夫人靈仇遣使就某借兵馬并李筌所撰太白陰
經駢遶下兩縣率百姓葦蓆數千領畫作甲馬之狀
遣用之於廟庭燒之又以五彩牋寫太白陰經十道
置於神座之側又於夫人帳中塑一綠衣年少謂之
韋郎廟成有人於西廡棟上題一長句詩曰四海干
戈尚未寧謾勞淮海寫儀形九天玄女猶無信后土

夫人豈有靈一帶好雲侵髻綠兩行巍岫拂眉青韋
郎年少耽閑事案上休看太白經好事者競相傳誦
是歲詔於廣陵立駢生祠并刻石頌差州人採碑材
於宣城及至揚子院用之一夜遣人密以健牯五十
牽至州南鑿垣架濠移入城內及明柵緝如故因令
揚子縣申府昨夜碑石不知所在遂懸購之至晚云
被神人移置街市駢大驚乃於其旁立一大木柱上
以金書云不因人力自然而至卽令兩都出兵仗鼓
樂迎入碧筠亭至三橋擁闢之處故埋石以礙之僞

云人牛拽不動駢乃朱篆數字帖於碑上須臾去石
乃行觀者互相謂曰碑動也識者惡之明日楊子有
一村嫗詣知府判官陳牒云夜來里胥借耕牛牽碑
悞損其足遠近聞之莫不絕倒比至失守師鐸之衆
竟自壞墉而進常與丞相鄭公不叶用之知之忽曰
適得上仙書宰執之間有陰圖令公者使一俠士來
夜當至駢驚悸不已問計於用之用之曰張先生少
年時嘗學斯術於深井里聶夫人近日不知肯更爲
之否若有但請此人當之無不齏粉者駢立召守一

語之對曰老夫久不爲此戲手足生疎然爲令公有
何不可及期衣婦人衣匿於別室守一寢於駢臥內
至夜分擲一銅鐵於階砌之上鏗然有聲遂出皮囊
中彘血灑於庭戶簷宇間如格鬪之狀明日駢泣謝
守一曰蒙仙公再生之恩真枯骨重肉矣乃躬輦金
玉及通天犀帶以酬其勞又有蕭勝者亦用之黨也
納五百金賂於用之用之曰爾何欲曰欲得知鹽城
監耳乃見駢爲求知鹽城監駢以當任者有績與奪
之間頗有難色用之曰用勝爲鹽城者不爲勝也昨

得上仙書云有一寶劍在鹽城井中須一靈官取之
以勝上仙左右人欲遣去耳駢俛仰許之勝至監數
月遂匣一銅七首獻於駢用之稽首曰此北帝所佩
者也得之則百里之內五兵不敢犯駢甚異之遂飾
以寶玉常置坐隅時廣陵久雨用之謂駢曰此地當
有火災郭邑之間悉合灰燼近日遣金山下毒龍以
少雨濡之自此雖無大段燒爇亦未免小小驚動也
於是用之每夜密遣人縱火荒祠壞宇無復存者駢
嘗授道家祕法用之守一無增焉因刻一青石如手

板狀隱起龍蛇近成文字玉皇授白雲先生高駢潛
使左右置安道院香几上駢見之不勝驚喜用之曰
玉皇以令公焚修功著特有是命計其鸞鶴不久當
降某等此際謫限已滿便應得陪幢節同歸真境也
他日瑤池席上亦是人間一故事言畢歡笑不已遂
相與登延和閣命酒肴極歡而罷後於道院庭中刻
木爲鶴大如小駢羈轡中設機捩人或逼之奮然飛
動駢嘗羽服跨之仰視空濶有飄然之思矣自是嚴
齋醮飛煉金丹費耗資財動逾萬計日居月諸竟無

其驗

呂用之鄱陽安仁里細民也性桀黠畧知文字父璜以貨茗爲業來往於淮浙間時四方無事廣陵爲歌鐘之地富商大賈動逾百數璜明敏善酒律多與羣商遊用之年十二三其父挈行旣惠悟事諸賈皆得歡心時或整屨搖箠匿家與奴婢等居數歲璜卒於家乾符初羣盜攻剽州里遂他適用之旣孤且貧其舅徐魯仁周給之歲餘通於魯仁室爲魯仁所逐因事九華山道士牛弘徽弘徽自謂得道者也用之降

志師之傳其驅役考召之術弘徽旣死用之復客于廣陵遂穀巾布褐用符藥以易衣食歲餘丞相劉公節制淮左有蠱道寘法者逮捕甚急用之懼遂南渡時高駢鎮京口召致方伎之士求輕舉不死之道用之以其術通于客次逾月不召詣渤海親人俞公楚公楚奇之過爲儒服目之曰江西呂巡官因間薦于渤海及召試公楚與左右附會其術得驗尋署觀察推官仍爲制其名因字之曰無可言無可無不可也自是出入無禁初專方藥香火之事明年渤海移鎮

用之固請戎服遂署右職用之素負販久客廣陵公
私利病無不詳熟鼎竈之暇安陳時政得失渤海益
奇之漸加委任先是渤海舊將有梁纘陳拱馮綬董
僅公楚歸禮日以疎退渤海至是孤立矣用之乃樹
置私黨窺伺動息有不可去者則厚以金寶悅之左
右羣小皆市井人見利忘義上下相蒙大逞妖妄仙
書神符無日無之更迭唱和罔知愧耻自是賄賂公
行條章日紊煩刑重賦率意而爲道路怨嗟各懷亂
計用之懼其竊發之變因請置巡察使採聽府城密

事渤海遂承制授御史大夫充諸軍都巡察使於是
召募府縣先負罪停廢胥吏陰狡兇狠者得百許人
厚其官備以備指使各有十餘丁縱橫閭巷間謂之
察子至于士庶之家呵妻怒子密言隱語莫不知之
自是道路以目有異已者縱謹靜端默亦不免其禍
破滅者數百家將校之中累足屏氣焉

高駢嬖吏諸葛殷妖人呂用之之黨也初自鄱陽將
詣廣陵用之先謂駢曰玉皇以令公久爲人臣機務
稍曠獲譴於時君輒遣左右一尊神爲令公道中羽

翼不久當降令公善遇欲其不去亦可以人間優職
縻之明日殷果來遂巾褐見駢於碧雲亭妖形鬼態
辯詐蜂起謂可以坐召神仙立變寒暑駢莫測也俾
神靈遇之謂之諸葛將軍也每從容酒席間聽其鬼
怪之說則盡日忘倦自是累遷鹽鐵劇職聚財數十
萬緡其兇邪陰狡用之蔑如也有大賈周師儒者其
居處花木樓榭之奇爲廣陵甲第殷欲之而師儒拒
焉一日殷謂駢曰府城之內當有妖起使其得志非
水旱兵戈之匹也駢曰爲之奈何殷曰當就其下建

齋壇請靈官鎮之殷卽止師儒之第爲處駢命軍候
驅出其家是日雨雪驟降泥淖方盛執事者鞭撻迫
蹙師儒攜挈老幼匍匐道路觀者莫不愕然殷遷其
家焉殷足先患風疽至是而甚每一躁癢命一
青衣交手爬搔血流方止駢性嚴潔甥侄輩皆不得
侍坐唯與殷欵曲未嘗不廢寢忘餐或促膝密坐同
杯共器遇其風疽忽發卽恣意搔捫指爪之間膿血
沾染駢與之飲啗曾無難色左右或以爲言駢曰神
仙多以此試人汝輩莫介意也駢前有一犬子每聞

殷腥穢之氣則來近之駢怪其馴狎殷笑曰某常在大羅宮玉皇前見之別來數百年猶復相識其虛誕率多如此高虞常謂人曰爭知不是吾滅族冤家也殷性躁虐知揚州院來兩月官吏數百人鞭背始半光啓二年僞朝授殷兼御史中丞加金紫及城陷竄至灣頭爲邏者所擒腰下獲黃金數斤通天犀帶兩條旣縛入城百姓聚觀交唾其面尋撮其髻髮頃刻都盡獄具刑于下馬橋南杖至百餘絞而未絕會師鐸母自子城歸家經過法所遂扶起避之復蘇于橋

下執朴者尋以巨木踣之騶殿過決罰如初始殷之遇也驕暴之名尋布於遠近其族人競以謙損戒殷殷曰男子患於不得遂志旣得之當須富貴自處人生寧有兩遍死者至是果再行法及弃屍道左爲讐人剗其目斷其舌兒童輩以瓦礫投之須臾成峰吳堯卿者家于廣陵初傭保于逆旅善書計因出入府庭遂聞于縉紳始爲鹽鐵小吏性敏辦事之利病皆心記口調悅人耳目故丞相李蔚以其能首任之高駢因署堯卿知酒州院兼利國監尋奏爲刺史制

命未行會軍變復歸廣陵頃之知浙西院數月而罷
又知揚州院兼權糴使僞朝受堯卿御史大夫堯卿
託附權勢不問貴賤苟有岐路縱斷養輩必斂衽以
金玉餌之微似失勢雖素約爲死交則相對終日不
復與言趨利背義如此權貴無不以賄賂交結之故
不離淮泗僭竊朱紫塵汙官省三數年間盜用鹽鐵
錢六十萬緡時王榮知兩使務局下堯卿獄將窮其
事爲諸葛殷所保持獲全及城陷軍人識是堯卿者
咸請啗之畢師鐸不許夜令堯卿以他服而遁至楚
州遇變爲讐人所殺弃屍衢中其妻以紙絮葦棺歛
之未及就壙好事者題其上云信物一角附至阿鼻
地獄請去斜封送上閻羅王時人以爲笑端

予讀溫公通鑑載高千里爲張呂迷惑事則甚疑
之以爲千里本才士且有將畧乃受左道愚弄不
異兒童豈耄年喪志而然耶及考他書始知是記
出于羅隱隱嘗不禮于千里作此快之其間增飾
之誣固自不免溫公乃信之不疑如李蘩鄴侯家
傳詞多虛美則又盡載無遺其楊右相冰山之說

亦開天遺事之僞也人謂史遷好奇多變溫公亦
未免耶

